





上海古籍出版社



#### 九歌解詁 九章解詁

開一多

上海古籍出版社出版

4.孝·4.龙上海發行所發行上海市印刷四厂印刷

開本 850×1156 1/32 印張 3 插瓦 1字數 62,000 1985年12月第1版 1985年12月第1次印刷 印數: 1-14,000

統一書號: 10186 562 定價: 0.66元

## 雲中君 湘夫人…………… 河伯………

九歌解詁

目録

# 東皇太一〇

吉日兮辰良,穆將愉兮上皇。

太一。 傳》『君臣生離,感動上皇。』《九歎・遠逝》 『信止皇而質正。』 注曰:『上皇,上帝也。』此謂東皇 也。 與『蹇將憺兮壽宮』句法同。愉猶悦也。《郊祀歌》合好效歡虞太一』,虞、娱古通。上皇,上帝 《莊子・天運篇》『治成德備, 辰良卽良辰,倒語以取韻。《管子·君臣下篇》注『穆猶悦也』,穆、愉義近。『穆將愉兮上皇』 監照下土。天下戴之,此謂上皇。』《吴越春秋・句踐人臣外 March Man C

撫長劍兮玉珥,璆鏘鳴兮琳琅。

《説苑・反質篇》『經侯往適魏太子, 此文上句謂劍, 下句謂佩。 左帶玉具劍, 右帶環佩, 左光照右, 右光照左。」

珥, 俗稱劍格, 在劍身與柄之間,作凹形,横看象人耳, 故曰珥。

今名青金石(Lapis Lazuli 詳《石雅》) 此謂佩玉。《禮記・玉藻》 『古之君子必佩玉, 右

<sup>○ 《</sup>初學記》一五引《樂葉圖徵》:"鼓和樂於東郊,致魂靈,下太一之神。』

徴角, 鳴也。,琳琅, 玲瓏也。』琳琅 左宫羽,趨以采齊, 玉聲, 轉爲玎璫、 猶玎璫也。 猶玲瓏轉爲丁東。 行以肆夏, 周還中規, 一日玲瓏。 《漢書·揚雄傳》『和氏瓏玲』, 折還中矩, 進則揖之, 退則揚之, 注引孟康曰: 後 E

瑶席兮玉瑱,盍將把兮瓊芳。

以緼藉玉。 賦》『惜瑶草之徒芳』注『瑶與萬同』。 疏引鄭注曰:『三帛,所以薦玉也。 玉嘉牲薦饗。』瑄玉卽此玉瑱, 之玉鎮即《九歌》之玉鎮。《史記·封禪書》武帝時『公卿言皇帝始郊見太一〔於〕雲陽,有司奉瑄 以人執者爲瑞, 鎮大寶器藏焉。 《周禮・大宗伯》『以玉作六瑞,以等邦國……以玉作六器,以禮天地四方。』《天府》 『凡國之玉 藉 瑱一作鎮。 《典瑞》『設有服飾』注『服飾, 是其比。 是也。 《北堂書鈔》一三三,《藝文類聚》六九引並作鎮。《説文》『靈, 事神者爲器, 若有大祭大喪, 疑古藉本以草爲之,故字作藻,後世易之以帛,字乃變成繅。 案繅, 經傳一作藻,藻草聲近可通。(《雜記》『繰爨』,《荀子·正論篇》注引《慎子》 嘉牲卽下文肴蒸。 實則古無此別。《大宗伯》質疏,《典瑞》孫氏正義俱有辯。 』。瑶讀爲舊, 則出而陳之。」注於書鎮爲瑱。 席、藉古字通,『瑶席』以甚草爲藉以承玉也 服玉之飾、謂繅藉。 《中山經》『姑媱之山, 蓋漢祭太一用玉, 』《儀禮·聘禮》注『藉謂繅也, 鄭司農讀瑱爲鎮。 女尸化爲落草。 猶循楚故事之舊。 《堯典》『三帛』、《公羊》隱八年徐 巫以 玉事神山 《文選·别 凡執 《周官》 **《天府》** 上必 繅所

爾雅・釋詁》『盍,合也。』將, 特也。 將、把同義複詞, 瓊謂玉鎮, 芳謂瑶席 鎮與席為二;

九歌解詁・東皇太一

故曰『盍(合)將把』也。

蕙肴蒸兮蘭藉,奠桂酒兮椒漿。

引作殽。蒸一作烝,《藝文類聚》七二引同。 注『升體解節折之俎。 鄭衆注『羊殽, 令》『大飲烝』注曰『烝謂有牲體爲俎也。 《燕禮》『有脀』,《大射儀》『無脀』,《少牢・饋食禮》『卒脀』注曰『脀以牲體,實鼎也。』《禮記・月 『飲而無肴。 』注『凡骨在肉日殺。 肴 《文選·王元長三月三日曲水詩序》注, 體解節折也。 』《詩・既醉》『我殽既將』 箋『殺謂牲體也。 』《左傳》宣十六年『發烝』,一般然即殺蒸、 』一作殺烝, 』肴殺同。或合言之目殺胥。 《周語》中『定王饗之般然。 』《吕氏春秋·孟冬篇》作蒸。烝、蒸並與脅通。《晉語 蒸讀爲膏, 《捫蝨新語》上四, 《儀禮・特牲・饋食禮》『宗人告祭脀。 《特性·饋食禮》『若有司私臣,皆般 『《周禮・小子》『羞羊肆羊殺肉豆" **殺**齊。 』又『親戚宴饗,則有殽烝。 《錦繡萬花谷》前集二一, 1

藉所以藉肴蒸也。 《廣韻》『藉, 以蘭茅藉地。 』《封禪書》 『古者封禪… …埽地而祭, 席用苴

稽。 』《郊祀志》晉灼注曰『苴, 藉也。

揚枹兮拊鼓,□□

此謂以蕙爲肴蒸,

以蘭爲藉。

枹, 鼓槌也。

疏緩節兮安歌, 陳学瑟兮浩倡。

爲『疏緩節之安歌』 《湘夫人》「疏石蘭兮爲芳」注『疏,布陳也。 疏謂疏歌。『疏歌』猶展詩, 』疏陳同義。安猶徐也。『疏緩節兮安歌』, 陳詩、賦 詩 也。 當讀

**竽唱則諸樂皆和** 《七發》『高歌陳唱』是其例。 倡讀爲唱。《初學記》一五引正作唱。 《韓非子·解老篇》『竽也者,五聲之長者也。 『陳竿瑟兮浩倡』當讀爲『陳竿瑟之浩唱』。 故等先則鍾 陳謂 恶皆隨 陳唱

靈偃蹇兮姣服,芳菲菲兮滿堂。

虬蚴蟉於東廂。 王日『偃蹇, 』一作幽蟉,《大人賦》、驂亦螭青虬之蠮蟉蜿蜒。 舞貌。 』案舞時衣動貌。 聲轉爲天嬌(參《廣雅·釋訓》), 或作蚴蟉, 《上林賦》『青

五音紛兮繁會,君欣欣兮樂康。

神君也。 之際』,《山鬼》『君思我兮不得閒』,『君思我兮然疑作』, 祀歌・赤蛟十九》『百君禮』注『百君亦謂百神也。 吾道滈池君。』集解引伏虔曰『水神也。』凡此皆釋君爲神。 《九歌》中, 《漢書·郊祀志》『神君最貴者太一, 東君、雲中君、湘君皆稱君。 又《湘君》》君不行兮夷猶』,《少司命》。君誰須兮雲 其佐日太禁司命之屬, 』《史記・秦始皇本紀》『有人持璧遮使者曰 並此『君欣欣兮樂康』, 皆從之。 又 君皆 《禮樂志 1謂神, 猶

東君の

更

暾將出兮東方,

照吾濫兮扶桑。

敦, 團雞子黄。 其狀渾圓如球, 暾之爲言團也。 』《九歎・ 遠逝》『日暾暾其西舍兮』,日出入時, 暾即敦字, <詩・東山≫『有敦瓜苦』, 以其狀日形,故加日旁。 **《傳》** 『敦猶專專也。 《樂府·西鳥夜飛》 日從東 其形圓尤顯, 專、 故皆曰暾。 團古今字。 方出 古彝器有 團

篇》『扶木在陽州, 曲阿, 《淮南》曰拂曰曊, 照於扶桑。然《説文》『費,目不明也。 文篇》『日出於暘谷,浴於咸池,拂於扶桑, 照猶掩映也。 霞日掩映之狀, 正在時隱時見, 是謂旦明。』『拂』與『登』對舉, 扶桑, 即此義矣。 日之所曊。 日初出時霞氣 』注曰『扶木, 是『拂於扶桑』謂日在扶桑之後尚未登於顛杪之時。 』『佛, 見不審也。 若明若滅之間, 日輪在後, 扶桑也……曊猶照也。 是謂晨明。登於扶桑,爰始將行,是謂朏明。 霞影在前, 詩所謂『雲日相虧蔽』也。 『髴, 若似也。 如軒檻掩映然。《淮 拂與贖同。『拂於扶桑』猶 』 曊之爲照亦見不審諦 《九歌》日照, 南子 **\***鹭形 : 天

⊕ 原在《少司命》後、《河伯》前、今移此。撫余馬兮安驅,夜皎皎兮既明。

<sup></sup>淮 南子・天文篇》。爰止其女, 爰息其馬。 』《初學記》一引注曰『日乘車, 駕以六龍, 羲和

御之。」

既猶盡也,全也。

駕龍烐兮乘雷,載雲旗兮委蛇。

『龍首銜軛』是也。 《方言》九『轅, 雷謂車輪, 楚衞之間謂之輈。』雕轅如龍形, 以其聲隆隆然如雷鳴也。 《淮南子・原道篇》『雷以爲車 故謂之龍輈。《續漢書・輿服志》上所謂

長太息兮將上,心低佪兮顧懷。

**羌聲色兮娱人,觀者憺兮忘歸。** 《禮記·大學》注『顧, 念也。』念亦懷也。『顧懷』複義連語。

羌,乃也。憺,安閑貌,猶恬也。

**緪瑟兮交鼓,簫鐘兮瑶簾。** 

王曰『緪, 急張弦也。』《説文》『揯, 引急也。』緪揯同。鼓謂鼓瑟。

瑶, 非樂上篇》『今大鍾鳴鼓, 王念孫云:當讀爲摇。 《容齋續筆》十五載蜀客所見本簫作橚,橚簫正借字。《廣雅・釋詁》三『橚, 琴瑟竽笙之聲, 』《招魂》『鏗鐘摇簾』注曰: 『鏗, 既已具矣,〔王公〕大人鏞然奏而獨聽之。』鏞 撞也 摇, 動也 擊也。 《文選》五臣張 與 |≪墨子· 掘同

九歌解詁・東君

七

九歌解詁 九章解詁

銑注曰:『言擊鐘則摇動其簾也。 『搧鐘摇簾』即『鏗鐘摇簾』。

鳴鷈兮吹竽,思靈保兮賢姱。

巫也。 是也。 司馬注。 神保是饗。 釋名・釋樂器》。篪, 』巫亦神靈之所憑依,故謂之靈保。 保者任也, 皇尸與神保,皆相互爲文。』神保卽金文克鼎之『聖保』,《令彝》《洛誥》之。明保』。 )神尸爲神靈之所依憑附著, 』『神保是格』,『神其醉止、 憑也、 (《周禮大司徒》注『保猶任也。 嗁也。 聲從孔出, 故謂之神保。 皇尸載起, 如嬰兒嗁聲也。脈應同。 《後漢書・馬融傳》 』《説文》『任,保也。 鼓鐘送尸, 神保聿歸。 『韶靈保』注曰『靈保, 』)附也。(《莊子·列禦寇篇》 **《詩·** 」王國維云:『先祖與 楚茨》『先祖是皇, 案王説 神

翻飛兮翠曾, 展詩兮會舞。

《爾雅・釋鳥》『翠, 名曰鷸。 輕而疾也。 说文》『翾, 曾讀爲翻, 《韓詩外傳》作『輕而快』, 小飛也。 鷸。』《文選・海賦》『鷸如驚鳧之失侣』注『鷸,疾貌。』翠鷸皆訓疾, 《廣雅·釋詁》一『謝, 』小飛之貌輕疾, 義正同。 舉也。 故翾又有疾義。 《集韻》『翉,飛疾貌。 』又三『謝, 《荀子・不苟篇》『喜則 飛也。 翠翔同。 』翾飛與翠曾對文。 翠之言倉卒也。 輕而 故翠一

鳳鳥天翟舞之。 皆可曰展, 展詩謂以詩人樂^《禮記・文王世子》『春弦夏誦』注『弦謂以絲播詩。』展詩猶播 《吕氏春秋·古樂篇》『帝譽乃令人抃,或鼓鼙, 』《郊祀歌・天地八》 『展詩應律鋗玉鳴。 」本此。 擊鐘磬, 吹苓(笙),展管箎,因令 詩也。 凡奏樂

應律兮合節,靈之來兮蔽日。

《湘夫人》靈之來兮如雲』,《離騷》『百神翳其備降』,並與此『靈之來兮蔽日』義近。

青雲衣兮白霓裳,舉長矢兮射天狼。

操余弧兮反淪降,援北斗兮酌桂漿。

弧。 州占》『狼者盗賊,弧者天弓,備盗賊也。故弧射狼, 弧直狼。』正義『狼一星,參東南,弧九星,在狼東南。』《開元占經·石氏外官占篇》引《荆 弧,矢,天狼,北斗,皆星名。≪史記・天官書≫『其⊆九斿〕東有大星曰狼,……下有四星曰 矢端直者, 狼不敢動摇, 無盗賊而兵不

撰余轡兮高翔,杳冥冥兮東行。

起。』反淪降,言日西沉也。

貎 』《離騷》『總余簪乎扶桑』,《説文》『總,聚束也。 撰與纂通。(《一切經音義》六引《三蒼》撰作纂。《説文》纂之重文作饌。)《文選・ 笙賦》注『纂纂, 』撰轡即總轡。

聚

杳冥,幽深貌。

雲中君の

浴蘭湯兮沐芳,華采衣兮若英。

九歌解詁・雲中君

九

0

**芳澤,《大招》『粉白黛黑,施芳澤只』是也。沐浴皆用蘭,此變蘭言芳以避複也** 芳謂芳澤。漬蘭於膏澤中, 使發香,因以沐髮,謂之關澤。《神女賦》。沐蘭澤 是也。 旦

靈連蜷兮既留, 《士冠禮》『將冠者采衣紒』, 氣之見於西方者。雲神以雲霞爲衣,故曰『華采衣兮若英』。李白《清平調》』雲想衣裳花想容。 之 山, 華猶飾也。《文選・月賦》『嗣若英於西冥』,注曰『若英,若木之英也。』《大荒北 經》 『洄 有樹青葉赤華,名曰若木,日所入處。』若木者,與東方之扶桑同類,實即日將入時霞 爛昭昭兮未央。 注云『采衣, 未冠者服之。,又引《玉藻》曰:『童子之飾也。 野

連蜷猶連蹇,行遲貌。留,止也。

也; 記·總目》『輪已崇』注『已,大也,甚也。』是央有『甚』『大』『已』諸義,『爛昭昭兮未央』言其光 軺, 爛是小光。《詩・女曰鷄鳴》『明星有爛。 小車也, 鞀, 小鼓也, 是昭之爲明, 亦小明也。 」昭昭, 小明貌。 《廣雅 ・釋詁》四『央、 從召聲字多有小瓷。 己也。 沼, 。《考工 小池

蹇將憺兮壽宫,與日月兮齊光。

昭昭然未甚大也。

《管子・水地篇》注『蹇,停也。 婚, 《漢書·郊祀志》上臣瓚注、《文選·陸士衡挽歌》詩注

<sup>0</sup> 有谷,雲中水發源於此。又山西河津縣西北亦有雲中山,上有雲中城 《封禅書》『晉巫祠雲中。』案 《地理志》 雲中郡,秦置,有今山西省境内長城以外等地,今山西忻縣西北有雲中山, 下

引並作澹。澹憺古通。《淮南子・俶真篇》注『憺,定也。』《後漢書・馮衍傳》注『澹,定也。 壽官北宫, 王曰:『壽宫, 張羽旗, 設共具,以禮神君。』注引臣瓚曰『壽宫,奉神之宫。』又《吕氏春秋·知接 供神之處也。 ◎説苑・貴德篇᠉景公遊於壽宮。 』《漢書・郊祀志》上『又置 是

篇》『桓公……蒙衣袂而絶乎壽宫。』注曰『壽宫,寢堂也。』是壽宫乃神之寢堂或寢 廟。《漢書· 用,寢廟一曰壽宫,故秦名周房中樂曰《壽人》。 禮樂志><房中祠樂>、高祖唐山夫人所作也。 周有《房中樂》,至秦名《壽人》。《房中樂》蓋 寢廟所 《漢書·藝文志》有《泰一雜廿泉壽宫歌》十四篇,

郎《房中》、《壽人》之遺與"

龍駕兮帝服, 與日月兮齊光』,言光盛大也。 聊翺遊兮周章。

『周章遠遊』。 章』,注云:『章, 龍駕,以龍引車也。 服也。 服疑謂章服,旌旗之屬,故與駕並舉。《吕氏春秋・季夏篇》『以爲旗 」射遊當爲射翔, 詳《校補》。 周章猶倜儻, 跌宕也。 《論衡・道虚篇》:

靈皇皇兮既降,猋遠舉兮雲中。

猋, 上也。 皇皇卽煌煌。 』《莊子·逍遥遊篇》。 摶扶摇而上者九萬里。 《爾雅·釋天》『扶摇謂之猋。 』李巡注曰:『扶摇, 暴風從下升上,故曰猋。

覽冀州兮有餘, 横四海兮焉窮。

九歌解詁・雲中君

俯瞰日覽。 兩河之間曰冀州。《大荒北經》。蚩尤作兵伐黃帝,黃帝乃令應龍攻之冀州之野。

天地, 海之外, 有餘謂視野之大,不止一州。《禮記·孔子閒居》注『横, 溥之而横乎四海。 遭迴蒙汜之渚, 尚徉冀州之際, 』亦謂『充乎四海也。 徑躡都廣, 』《淮南子·覽冥篇》『鳳凰曾逝萬仞之上, 人日抑節, 充也。 』又《祭義篇》 『夫孝置之而塞乎 羽翼弱水, 暮宿風穴。 翺 <u>L</u> 與本 翔四

思夫君兮太息,極勞心兮讎讎。

篇並以冀州四海比類爲文。

夫一是非, **夫猶彼也**。 宇宙也。 《荀子・解蔽篇》『不以夫一害此一。 」並以『夫』與『此』對言。 是。夫」即「彼」也。 』 《淮南子・ 齊俗篇》『此一是非, 夫君指雲中君。 隅曲也。

勞,憂也。 《詩·草蟲》。憂心忡忡。 』傳云『忡忡猶衝衝也。 」懺與忡同字。

湘君

**君不行兮夷猶,蹇誰留兮中洲。** 

夷猶卽猶夷, 倒詞以取韻, 猶豫也。 蹇, 難行之貌。 留, 待也。《莊子·山木篇》『莊周曰: 爲誰 而留。

中洲 此何鳥也。翼殷不逝,目大不覩, 洲中也。 褰裳躩步, 執彈而留之。 」執彈而待之也。 離留,

美要眇兮宜修,沛吾乘兮桂舟。

視, 『如水之就下, 雞鳴》『與子宜之。』《鳧鷺》『公尸來燕來宜。』宜皆訓啖,蓋齧之聲轉,字亦當作館。《集韻》『齒 聲之誤也。詳《校補》。宜讀爲鮨。 赋》『羣妖遘迕,眇暚冶夷。 傳》『「冀妻孫壽」色美而善爲妖態, 笑。』均以目與口齒狀視笑之美,亦猶«詩» 言『巧笑倩兮,美目盼兮』之意。 «孟子·盡心» 上篇 牙露見,正『宜笑』之狀。本篇『美要眇兮宜笑。 笑耳。《漢書・司馬相如傳》上云:『皓齒粲爛, 齒露貌。 如遠視之狀,故謂之眇暚。要眇卽眇暚之倒。《類篇》謂腰同暚。要卽腰之省。修當爲 《文選・海賦》『腰眇蟬蜎。 』齧物者口張齒露, 沛然莫能禦之。』《漢書・禮樂志・郊祀歌》『神哉沛』注曰『沛, 沛焉遠辱至此。 』注『眇〔暚〕(原脱,從《集韻》補。)視貌。』邪視者以目挑人,亦歛睫微 要眇卽腰眇。 《字鏡》二『巔,酱也。 作……齲齒笑以爲媚惑。 是知齟齧必爲一語之轉。 』此『沛』均有疾速之義 《集韻》『腰眇, 宜笑的礫。 』與《山鬼》。既含睇兮又宜笑。 』《集韻》『醬, 《大招》屬酺奇牙, 媚笑亦以露齒爲美, 遠視也。 齲病。 』腰一作眠。 』《大招》『嫮目宜 疾貌。 』《後漢書·梁統 宜笑嫣只。 然則鰚笑 《文選・海 **◎韓詩外** 笑, 即齧

令沅湘兮無波,使江水兮安流。

傳》六『使大國之君,

之間, 中山經》『洞庭之山……帝之二女居之,是常遊於江淵澧沅之風, 出人必以飄風暴雨。 』注曰:『言二女遊戲江之淵府, 則能鼓動三江, 交瀟湘之淵, 令風波之氣, 是在

九歌解詁・

湘君

29

交通。 沅湘無波涌, 』案湘君能致風波, 使江水順徑徐流, 故迎神者有無波安流之請。王曰:『言己乘船, 則得安也。 此説得之。沅湘與江水,無波與安流、 常恐危殆, 皆 願湘君令 豆文,

是駢文之濫觴

望夫君兮未來, 吹參差兮誰思。

鳳凰來儀,其形參差、象鳳之翼,十管長一尺。』 夫君指湘君, 參差卽簫, 吹參差以寄悲思也。 《風俗通·聲音篇》 『「簫」舜作, 簫韶九成,

駕飛龍兮北征, 邅吾道兮洞庭。

『靈之車, 飛龍謂龍馬也。 結玄雲,駕飛龍,羽旄紛。 《離騷》『爲余駕飛龍兮, 』《安世房中歌》『飛龍秋,游上天。』注曰『莊子有秋駕之 雜瑶象以爲車。 |《漢書・禮樂志・郊祀歌練時日》

法者, 錢穆考洞庭本黄河流域之榮澤, 亦言駕馬騰驤, 秋秋然也。 』並其證。 其名後遷於江北,又遷於江南。

古洞庭蓋本藪澤,

庭之山 斷脩蛇於洞庭, ……帝之二女居之。 禽封豨於桑林。』是其地也。南方之洞庭初亦但爲濎濙小水, 』《九歎・逢紛》亦曰『馳余車兮玄石, 步余馬兮洞庭。 故《中山 』本篇日: 經》言、洞

陸多水少。《莊子・至樂篇》『黄帝張樂於洞庭之野。』《淮南子・本經篇》『八羽』

案《説文》『榮,絶小水也。』

飛龍兮北征, **遭吾道兮洞庭。** 』飛龍所以駕車,説已詳上。邅道者, 蓋其地草木聚生, 水潦 11

没, **適轉紆回**, 擇平陸, 避水潦而行也。『邅吾道兮洞庭』與《離騷》『邅吾道夫崑崙』句法同

崙, 淺, 山名。 龍兮翩翩。 則洞庭非若今之汪洋巨浸, 』雖古或以車涉水, 然必小流淺瀬乃可。 浩瀚黏天, 日月出没其中者明矣。下文曰:『石濑兮法 《湘夫人》曰『嫋嫋兮秋風**,** 洞庭波兮

木葉下。』又曰:『荒忽兮遠望, 觀流水兮潺湲。 』審其氣象, 亦祗微波淺瀬, 可供眺玩 而已。

賦》『駕應龍象輿之蠖略逶麗兮。 』猶此云駕飛龍 矣。

又疑飛龍卽應龍,

應龍有翼,

故一曰飛龍。

《淮南子・覽冥篇》『乘雷車,

服應能。

薜荔柏兮蕙綢, 蓀燒兮藺 旌

綢。 帛, 騒》 自。 藻》『大帛不綏。 謂車上之旗也。 『爲余駕飛龍兮, 《釋天》『素錦綢杠。 所以名之日帛。 載雲旗之委蛇。 』《史記・周本紀》作『太白之旗。』『小白之旗。 古者車上必載旗。 柏一 』字或作旗, 《爾雅·釋天》『纁帛縿。』《周禮·司常》『通帛爲旜, 作拍, 雜瑶象以爲車……揚雲旗之晻藹兮, 此例 《東君》『駕龍輈兮乘雷, 』注曰:『以白地錦韜旗之竿。 尚多, 並當爲帕, 見金文吴尊。 皆車駕與旗並言。 字之誤也,詳《校補》。 或省作白, 載雲旗兮委蛇。 』即大帛小帛之旗也。 本篇上言以飛龍駕車, 《周 書・克殷篇》『折縣諸 鳴玉鸞之啾啾。』又『駕八龍之婉婉 帕與帛通, ※山鬼>『辛夷車兮結桂旗。』<</p> 雜帛爲物。 指旗面 所以纏旗之竿 此 日柏 太白 而言,旗 《禮記 綢 <u>-</u> 橈 面 者謂之 縣諸 旌 是布 · 玉 則

『靡魚須之橈旃, 竿首曲 柄所以懸帛者, 曳明月之珠旗。 兼以 』張揖注曰:『以魚須爲旃柄。 爲飾 《説文》『橈, 曲 木也。 旌, 』,旃, 注折羽或旄牛尾於竿首也。 旗曲 枘 也。 £ 林 賦》

6....3

九歌解詁

湘君

六

旌兮, 日綢, 此言以薜荔爲旗之帛, 虯之蠟蟉蜿蜒。 靡屈虹以 日橈旃, 爲綢; 』《上林賦》『駕馴駁之駟, 日珠旗, 以蕙綢竿, 紅香渺以眩涽兮, 並與車駕連言, 以蓀爲橈,又注蘭於竿首以爲旌也。《大人賦》『攬欃槍以爲 焱風涌而雲浮; 例與本篇同, 乘雕玉之輿, 靡魚須之燒旃, 可資旁證。 駕應龍象輿之蠖略逶麗兮, 曳明月之珠旗 驂 ]日旌, 赤螭青

望涔陽兮極浦,横大江兮揚靈。

光貌。 横泰河。 **%廣** 大江即上文江水,亦即沅湘 雅・釋詁》一『極, 』注『横, 充滿也。泰河, 遠也。 』靈猶光也。 大河也。 ※離騒≥『皇剡剡其揚靈兮。 《漢書·禮樂志·郊祀歌》華爗爗十五『揚金光, 』揚靈即揚光, 皇剡剡,

揚靈兮未極,女嬋媛兮爲余太息。

揚靈未極猶≪雲中君≫『爛昭昭兮未央。 女同汝。 嬋媛讀爲嘽咺, 喘息也。 詳《離騒》。 』言光未甚大也。 極央並訓中, 訓己, 訓盡。

横流涕兮潺湲,隱思君兮陫側。

《漢書・田蚡傳》注『横, 姿也。 』《後漢書・酷吏傳》注『横, 狂也。

《平輿令薛君碑》『側爾酸辛。 隱, 痛也。 **陫側卽悱(悲)惻,蕭士贇《李太白詩注》二十二 《代寄情楚詞體》注引正作悱惻,** 』亦以側爲惻

桂櫂兮蘭枻, 断冰兮積雪。

王觀國曰:『以桂木爲櫂, 以木蘭爲栧。 』案《湘夫人》『桂棟兮蘭橑。 』王注曰『以木蘭爲榱

采薜荔兮水中,搴芙蓉兮木末。

也。

』亦以蘭爲木蘭

心不同兮媒勞,恩不甚兮輕絶。 搴亦采也。芙蓉即荷花。

《神女賦》『交希恩疏, 不可盡暢。 』與此意同。

石瀬兮淺淺,飛龍兮翩翩

石瀬卽石灘。

浅浅,

《山谷外集》注一引作濺濺。

飛龍乃駕車之龍馬。

翩翩,

輕快貌。

梁竦

《悼騷賦》『騁鸞路于犇瀬。 』即脱胎于此

交不忠兮怨長,期不信兮告余以不閒。

**鼂騁鶩兮江臯,夕弭節兮北渚。** 

家注韓昌黎集»樊注引並作朝。 **鼂一作朝。《文選・謝靈運從游京口北固應詔》注,《謝惠連泛湖歸出樓中翫月》注,** 騁鶩, 奔馳也。 水曲日皐。

北渚即洞庭五渚之一。 《戰國策・秦策》『秦與荆人戰, 大破荆, 襲郢,取洞庭五都江南。

九歌解詁・湘君

七

九歌解詁 九章解詁

《史記·蘇秦傳》集解引都作渚。《燕策》二『乘夏水而下漢,四日而至五渚。 同。集解據《秦策》謂五渚在洞庭。本篇及《湘夫人》皆言洞庭,又言北渚, 是北渚即洞庭五渚之 』《史記·蘇秦傳》文

明矣。

鳥次兮屋上, 水周兮堂下。

次,舍也。

捐余玦兮江中, 遺余佩兮醴浦。

二句互文,玦即佩玦, 江即醴江。 《左傳》閔二年『佩之金玦。』《莊子・田子方篇》『緩(舘) 佩

玦者, 紀>索隱,又《惠景間侯者年表>索隱並引虞喜《志林》『醴是江沅之别流, 事至而斷。 』《史記・項羽本紀》『范増數目項王,舉所佩玉玦以示之者三。』 《史記・夏本 而體字作澧也。

釆芳洲兮杜若, 將以遺兮下女。 』箋曰:『伊,因也。

《詩・溱洧》『維士與女,伊其相謔,

贈之以芍藥。

士與女往觀,

因相

可知。 公見之,〔燕姞〕與之蘭而御之。』亦先與蘭而後御, 結恩情, 戲謔行夫婦之事。其别,則送女以芍藥, 鄭既誤贈在謔後, 胥是。惟贈芍藥當在相謔之前**,** 於將字義不可通, 結恩情也。 不在相謔之後, 乃訓爲大, 可資參證。此言遺杜若,亦詩人贈芍藥, 殊爲牽强。《左傳》宣三年『既而〔鄭〕文 案鄭謂謔爲行夫婦之事, 觀次章云:『伊其將謔, 又謂贈芍藥以 贈之以芍藥。

文公與蘭之意也。

《别録》:『杜若,令人不忘。

時不可兮再得, 聊逍遥兮容與。

違(韙),因案(按)人之所感,以求容與其心。』成疏『容與猶放縱也……以求快樂縱容, 逍遥, 游戲也。 《莊子・人間世篇》『夫以陽爲充孔(忼愩)♡,采色不定,常(嘗) 人之所示 遂其荒

### 湘夫人

淫之意也。

』然則容與猶『開心』也。

帝子降兮北渚,目眇眇兮愁予。

予。《史記·三代世表》索隱作宁。《管子·小匡篇》『首戴苧蒲』,《齊語》作芧蒲,芧今本作茅,誤。)《説·文》『眝, 長眙也。』又『眙,直視也。』《思美人》『思美人兮,肇涕而竚眙。 眇眇, 遠視貌。予讀爲貯。(《左傳》襄四年『后杼』)、《路史後紀》十三下注作柠,引《尚書中候》作 」好胎卽貯胎。

《中山經》郭注作洞庭陂。陂波古通。嫋嫋兮秋風,洞庭波兮木葉下。

登白薠兮騁望,與佳人期兮夕張。

九歌解詁・湘夫人

登字人字並從一本補, 詳《校補》。 《廣雅·釋詁一》『蹬, 履也。 』登蹬同。 **《招隱** 

\_\_\_

九

=

相糾兮,林木夜骩, 故可登履之。 青莎雜樹兮, 薠草靃靡。 』《淮南子・覽冥篇》『路無莎薠。 」薠爲陸生之草,

九歌解詁

九章解詁

張讀爲帳,《説文》『帳, 張也。 』《漢書·王莽傳》『張于西』 注引李奇曰『張, 帳也。 」期,

鳥何萃兮蘋中,罾何爲兮木上。

約也。

謂之蘋,小者日萍。 萃上何字從一本補, 』此鳥是食魚水鳥, 詳《校補》。萃, 水上布滿浮蘋, 止也。 陸璣《詩義疏》『蘋今水上浮萍是也, 魚深藏在蘋下,

使鳥無法捕獲。罾是

其麤

大者

魚網,罾掛在木上, **沅有茝兮醴有**蘭, 也是捕不着魚之意。 思公子兮未敢言。

荒忽兮遠望,觀流水兮潺湲。 見茝蘭而思公子者,冀其以茝蘭采贈己而結恩情也。

朝馳余馬兮江臯, 麋何食兮庭中,蛟何爲兮水裔。 麋鹿離山,蛟龍失水,喻失戀痛苦。 夕濟兮西澨。

《説文》『澨,埤增水邊土, 參《莊子内篇校釋》。 人所止者。』沿水灘四周築土埂, 使灘上土地不再因水漲而被淹没

以便於住人,叫做澨。

聞佳人兮召予,將騰駕兮偕逝。

蜀。 駕。既曰『步遊』,可見騰不是騰馳之騰。 灑路陂。 傳文。魏文帝《濟川賦》『騰羽觴以獻酬 即傳書。 《説文》『騰, 《成皐令任君碑》:『君來到部,先騰檄告。 』曹植《洛神賦》:『騰文魚以警乘。 應場《正情賦》。冀騰言以俯首。 傳也。 『《離騒》『騰衆車使徑待。 本篇『騰駕』義同。 』即傅羽觴。 』騰皆訓傳令。 』即傳言。 』即傳檄告。《後漢書・隗囂傳》『因數騰 』《漢書・禮樂志・郊祀歌》第十七『騰雨 《大招》『騰駕步遊。 蔡邕《弔屈原文》『託白水而騰文。 《遠遊》『騰告鸞鳥迎虙妃。 偕逝, 同往也。 即傳駕 騰 又等於命 告即 書隴 師 间

築室兮水中,葺之兮荷蓋。

澨。築室水中者, 之禁得,而輒辜磔於市甚衆,壅離其水也。 ≪鐃歌・翁離篇≫『擁(壅)離趾(沚)中可築室, 即於澨上築室也。 《史記・封禪書》『地貴陽, 』擁離即壅離, 何用葺之。蕙用蘭。 即隔斷。 祭之必於澤中圓丘。 壅離沚 (小島) 』《韓非子・用人篇》『采金 即上文所謂 圓 丘亦築

蓀壁兮紫壇, 荷蓋卽荷葉, 囷(播)芳椒兮成堂。 庾信《上益州上柱國趙王》詩:『殘荷低晚蓋』, 卽指荷葉而言。

於澨上之室也

壁指搏壁, 《賈子·孽産子篇》。今富人大賈屋壁得爲帝服。 』即指此。 《釋名·釋牀

九歌解詁・湘夫人

\_\_

蓀壁與紫壇對舉, 紫壇帷幄。 有誤,蒻當作弱,弱阿是帛類。)蓀壁是用蓀草作搏壁。又《藝文類聚》三八引《漢舊儀》『皇帝 以席搏著壁也。 |《藉田賦》『青壇蔚其岳立, 然則蓀壁即帷幄之類, 《宋史·禮志》謂之幔室是也。 《招魂》『蒻阿拂壁』注云:『拂,薄也。言房内則以蒻席薄牀四壁。 翠幕黕以雲布。 」帷幄、 翠幕與紫壇、 青壇對舉, 祭天, 等於

紫壇。 絲織物。《東觀漢記》『祀黄老於濯龍中, 《漢書・郊祀志》下『衡言甘泉泰畤紫壇,八觚宣通象八方。 』用紫色物舖地謂之紫壇。《漢武内傳》『帝登延靈之臺, 以文罽爲壇。 』所用者又是毛織物 』《禮樂志·郊祀歌》 設座殿以紫羅薦地。 第八『爰熙 所用

又《類聚》六一引《漢武故事》 『上起 神屋……以赤白石脂爲泥, 后稱椒房,……以椒塗室,亦取其温煖,〔除惡氣也〕。』《鄴中記》『石虎以胡粉和椒泥壁, 曰椒房。 也。』『播芳椒兮成堂。』是用椒末和泥來粉飾堂壁,卽所稱椒房。《藝文類聚》八九引《漢官儀》:『皇 也, 以蜃灰堊牆,所以飾成宫室。』《周禮・掌蜃》『共白盛之蜃』注:『盛猶成也, 未飾者爲素, 已飾者爲成。 粉飾屋壁也稱成。《考工記・匠人》『白盛』注云:『盛之言成 獻成亦如之。』注『飾治畢爲成。 椒汁和之。』《世説新語・汰侈篇 謂飾牆使白之屋 成與素

桂棟兮蘭橑,辛夷楣兮藥房。

『石(崇)以椒爲泥……泥壁。

』劉孝威『烏生八九子。』樂府『蜃壁光兮椒泥馥。』都是例證。

棟,俗名正梁。橑卽椽子, 一名桷子。 《爾雅· 釋宮ジ『楣謂之梁』注曰:『門户上横梁。

房房

疑讀爲榜,字一作牓,門牓包。蓋門户兩旁之直柱。

罔同網,結網謂之網,言編織也。此指編織薜荔爲帷。

之爲言, "乃至夏屋宫架, 蓋辟帶也。辟帶卽花邊。此言以蕙草爲花邊, 擗與辟通。 裨也, 《禮記・玉藻》『素帶終辟。 有所增加也。 縣聯房植。」高誘注云:『縣聯, 櫋一作棉, 棉緜同。 』注曰:『辟謂以繪采飾其側。』《淮南子·本經篇》 加於帷上, 聯受雀頭著桷者,一曰辟帶也。 《説文》『楣, 一齊張掛起來。 秦名屋楊聯也。』是櫋聯即縣聯, 見此皆謂辟

白玉兮爲鎮,疏石蘭兮爲芳。

賦》『綃綺爲席,犀璩爲鎮。 』皆坐席用鎮之例 王曰『以白玉鎮坐席也。 ※洞冥記》二『起神明臺, 』案《説苑・臣術篇》『約鎮簟席。 上有九天道, 』《西京雜記》 金牀象□, 卷上云:『鄒陽《酒 虎珀鎮, 雜玉爲

之防當謂扆。 『如今牀頭小曲屛風, 云郎《爾雅》之容。案唱射所隱者謂之乏,户牖間負依而坐者謂之扆,皆容防之屬也。 王曰『疏, 《周禮·幕人》『設皇邸』, 《本草》。防風一名屏風。』防屏一聲之轉。 布陳也。 唱射者所以自隱。 』芳當爲防,字之誤也, 注釋邸爲『後版屏風。 』《荀子·正論篇》『居則設張容負依而坐。 詳《校補》。《爾雅·釋宫》『容謂之防。 屏風之名,見《史記·孟嘗君傳》及《燕 』康成《三禮圖》『 展從廣八尺, 」楊注讀依爲 畫斧文於 』郭注云 本篇

九歌解詁・湘夫人

四四

其上, 今之屏風也。 』此與席鎮並舉, 故知卽屏風之施於户牖間, 可依而坐者。

芷葺兮荷屋,缭之兮杜衡。

杜衡纏束。 屋本幄字, 荷屋即荷幄, 猶華蓋也。 垂於屋上,狀如荷葉, 故曰荷幄。荷幄用芷覆蓋, 用

合百草兮實庭, 建芳馨兮廡門。

合, 集也;實, 充塞也。 《釋名·釋宫室》『廡, 幠也。 幠, 覆也。」 《儀禮・士

九嶷繽兮並迎,靈之來兮如雲。

冠禮》注『幠,覆也,

言所以覆飾也。

<u>\_</u>

於祭祀, 《書・皐陶謨》『虞賓在位。 避之,居賓客之位, 獻酒則爲亞獻也。 』《大傳》『舜爲賓客, |《漢書・禮樂志・郊祀歌》,九疑賓, 而禹爲主人。』鄭注『舜既使禹攝天子之事, 變龍舞。 而來

者皆曰九嶷賓,故云『並迎』, 如湻注云:『言以舜爲賓客也, 日『如雲』。 夔典樂, 龍管納言, 皆隨舜而來舞以樂神。 』凡隨舜自九疑

捐余袂兮江中,遺余褋兮醴浦

』注引如湻曰。交輸、

**《方言》四『禪衣,江淮南楚之間謂之襟。** 割正輻使一頭狹, 若燕尾, 』《漢書·江充傳》『衣紗縠禪衣, 』《禮記·儒行》注『庶 曲裾後 垂, 交

垂之兩旁

見於後。

人禪衣,袂二尺三寸,袪尺二寸。』此言袂,卽褋之袂也,亦半詞互足例。

搴汀洲兮杜若,將以遺兮遠者。

時不可兮驟得,聊逍遥兮容與。

屢也。

大司命

廣開兮天門, 紛吾乘兮玄雲。

訓》『翁翁,飛也。』又作爲,《説文》『鴛,一曰飛貌。』 飛揚貌。』字一作粉,《莊子・山木篇》『其爲鳥也, 紛, 飛貌。《文選・蜀都賦》『羽族紛泊』注『紛泊, 粉粉胅翐, 飛薄也。 而似無能。 』《舞賦》『紛猋若絶』注『紛猋, 』一作翁。《廣雅·釋

**令飄風兮先驅,使凍雨兮灑塵。** 

『飄風,疾風也。 《詩・何人斯》『其爲飄風。』傳『飄風,暴起之風。』《老子》三十二章『飄風不終朝。』河上注 』《爾雅・釋天》『暴雨謂之凍。』

君迴翔兮來下,踰空桑兮從女。

九歌解詁・大司命

桑, 當在楚地。 來本作以, 《大招》『魂乎歸徠, 從一本改,詳《校補》。空桑,山名。或曰地名。本在北方, 定空桑只。』注云:『或日楚地名。 是也。 玄冥所居。 此處空

紛總總兮九州,

從猶逐也,

追也。

何壽夭兮在予。

上台, 開元占經・石氏中官占篇》引《春秋元命苞》 『魁下六星, 爲司命主壽。』《藝文類聚》十引《隨巢子》。司命益年而民不夭。 兩兩相比曰二能……西近文昌曰

高飛兮安翔, 乘清氣兮御陰陽。

清妙之合專(摶)易, 《淮南子・天文篇》『宇宙生元氣,元氣有涯垠,清陽者薄靡而爲天,重濁者凝滯 而爲地, 重濁之凝結難。 **』《九辯》『乘精氣之摶摶兮』,清與精通。** (本篇清一作精。)《莊

猶如御六氣 子・逍遥篇》『乘天地之正, 御六氣之辯(變)。』六氣據《左傳》是陰陽、 風雨、 晦明, 然則御陰陽

吾與君兮齋速,導帝之兮九阬。

《禮記・玉藻》『君子容舒遲,見所尊者齊遫。 』齋速即齊遫,亦即疾速。 導,引導。 帝卽顓

頊, Щ 《左傳》昭公十一年『楚子滅蔡, 玄冥乃顓頊之佐,故有爲顓頊開路之責。之,往也。 用隱太子於岡山。 即此 坑《文苑》作岡。 荆州松滋縣有九岡

雲衣兮被被, 玉佩兮陸離。

被一本作披。《北堂書鈔》一二八, <藝文類聚>六七, 《太平御覽》六九二, 《文選·寡婦賦》

注,並引作披。正德本同。雲本作靈,誤,詳《校補》。

**壹陰兮壹陽,衆莫知兮余所爲** 

頊, 日冬至,則一陰下藏,一陽上舒,故曰虚。 其佐玄冥,執權而治冬。』故《史記・律書》云:『虚者,能實能虚, 《爾雅・釋天》『顓頊之虚,虚也。 『於節令主冬。《淮南子・天文篇》『北方,水也,其帝顓 』此云『壹陰兮壹陽』, 或脱胎於此。 言陽氣冬則宛藏於虚

折疏麻兮瑶華,將以遺兮離居。

葛立方《韻語陽秋》卷十六『瑶華謂麻之華白也。 出者爲勝。 王曰:『疏麻, 莖高二三尺, 夏開白花, 神麻也。』神升聲近, 根紫黑色, 疑神麻卽升麻。 是其證。疏麻花白色,似玉,故謂之瑶華 多鬚,可人藥。。升麻白花與瑶華白色正合。 《本草》『升麻産於溪澗陰地, 以蜀中

字以暗示行將分散之意 疏』,《韻語陽秋》引作疎, 駱賓王《思家》詩『離恨折疎麻。 』蓋疏麻是隱語, 借草名中的疏

老冉冉兮既極,不寖近兮愈疏。

極,至也。《離騷》。老冉冉其將至。』

九歌解話・大司命

乘龍兮轔轔, 九歌解詁 九章解詁

高駝兮沖天。

《大戴禮記·五帝德篇》『顓頊……乘龍而至四海。』

結桂枝兮延竚,羌愈思兮愁人。

《本草》『牡桂味辛温,主治上氣欬逆結氣, 喉痹吐吸,利關節, 補中益氣。』唐本注云:『一

愁人兮奈何,願若今兮無虧。

名肉桂,亦云桂枝。』延,長也。竚,

立也。

固人命兮有當, 孰離合兮可爲。

孰離合兮可爲』, 孰能自爲離合乎。言不能自主也。

# 少司命

秋蘭兮麋蕪, 羅生兮堂下。

靡。《本草經》:『芎藭味辛温,主……婦人血閉無子。』《別録》『其葉名靡蕪。』《爾雅翼》卷二『蘭 麋,《類聚》八一,《匡謬正俗》三,《初學記》二七,《緯畧》 一二,《爾雅翼》卷二, 並引作

有國香, 人服媚之,古以爲生子之祥,而蘼蕪之根主婦人無子,故《少司命》引之。少司命主人

子孫者也。』

緑葉兮素華, 芳菲菲兮襲予。

庭, 則芬馨滿徑,……七八月開白花。』 華本作枝,從一本改,詳《校補》。 《圖經本草》『蘼蕪, 芎藭苗也。……其葉倍香,或蒔於園

夫人自有兮美子,蓀何以兮愁苦。

秋蘭兮青青, 『夫人自有』猶人人各有也。『以』一作『爲』。 緑葉兮紫莖。

滿堂兮美人,忽獨與予兮目成。 青讀爲菁。《詩・淇奥》『緑竹青青。』傳云『青青,

茂盛貌。』釋文『青或作菁』。

人不言兮出不辭, 乘回風兮載雲旗。

悲莫悲兮生别離, 樂莫樂兮新相知。

本篇知字同義。 《詩・芄蘭》『能不我知』與『能不我甲(狎)』並舉。《禮記・曲禮》 『男女非有行媒不相知』, 與

荷衣兮蕙帶, 儵而來兮忽而逝。

九歌解詁・少司命

九歌解詁

夕宿兮帝郊,君誰須兮雲之際。 **儵忽,疾速貌。**《招魂》『往來儵忽。』

此後有『與女遊兮九河,衝風至兮水揚波』二句,今刪, 詳《校補》。

與女沐兮咸池,晞女髮兮陽之阿。

兩女子居,水周之。』注『有黄池,婦人人浴,出卽懷姙矣。』黄池卽咸池。咸黄一聲之轉。 《淮南子・天文篇》『日出於陽谷,浴於咸池。』陽阿卽陽谷。 《海外西經》『女子國在巫咸北,

望美人兮未來,臨風怳兮浩歌。

怳猶狂也,《説文》『怳,狂之貌。』浩,大也。

孔蓋兮翠旍,登九天兮撫彗星。

九二四,《海録碎事》一〇上,《山谷内集注》四《次韻答邢敦夫》,注引並作旌。 起居注》『訶羅單國奉孔雀蓋一具。』旍本一作旌,《書鈔》一二〇,《類聚》九一,《御覽》七〇二又 闐王山習所上孔雀尾萬枝,文彩五色,以爲金根車蓋,遥望耀人眼目。』《書鈔》一三四引《元嘉 《周禮・巾車》『輦車有羽蓋』,注云: 『以羽作小蓋翳日也。』《類聚》九一引《魏文帝詔》『前於

竦長劍兮擁幼艾,蓀獨宜兮爲民正。

《戰國策・齊策》三『齊王夫人死,有七孺子皆近。』注『孺子,幼艾美女也。』《孟子・萬章上

主也。 篇》『知好色, 則慕少艾。』注"艾,美好也。」少艾猶幼艾也。 《吕氏春秋·君守篇》注『正,

河伯

與女遊兮九河,衝風起兮横波。

《禹貢》兗州『九河既導,至於大陸。』 案古大陸本在冀州, 後地名遷徙, 遂在幽州。 疑古九

河亦在冀,後亦隨大陸徙幽也。

孺列傳》『衝風之末力不能漂鴻毛, 所從而來,必從大空谷之中。』據此, 王注云:『衝,隧也。』《詩・桑柔》『大風有隧,有空大谷。』傳『隧, 初非不勁, 則衝風是從衝道而來。引申之,便是大風。《史記・韓長 末力衰也。』亦以衝風爲大風。 道也。』箋『大風之行,

乘水車兮荷蓋,駕兩龍兮驂螭。

車四馬, 面乘兩龍。』注『氷夷, 荷蓋, **驂是在旁邊的兩馬。** 以荷爲車蓋。 馮夷也。』《水經・河水注》引《括地圖》『馮夷恒乘雲車, 駕兩龍, 螭似龍而無角。 《海内北經》『從極之淵,深三百仞, 古書多説白螭。 《涉江》『駕青虯兮 驂白螭』, 維氷夷恒都焉, 駕二龍。」驂螭, 氷 夷人 龕

=

九歌解詁・河伯

南子・覽冥篇>『前白螭,後奔蛇。』本篇一本也有白字。

登崑崙兮四望,心飛揚兮浩蕩。

『馮夷,河伯也。』《莊子・天地篇》『趣舍滑心,使性飛揚。』《淮南子・精神篇》注云:『飛揚,不從 荒唐。《莊子・天下篇》『荒唐之言』釋文『荒唐謂廣大無域畔也。』 文>潒讀若蕩。)《廣雅・釋訓》『潢潒, 軌度也。』《文選・七發》『浩唐之心,遁佚之志。』五臣唐作盪, 鶩怳忽。歷遠彌高以極往,……扶摇抮抱羊角而上,經紀山川,蹈騰昆侖。』《文選・七發》李注 飛揚浩蕩,《淮南子・原道篇》 云:『昔者馮夷, 浩盪也。』一作黄唐。《管子・地員篇》。黄唐, 太丙之御也。 浩蕩與浩唐同。 乘雷車, 六雲蜺, 聲轉爲潢潒。 無宜也。」又作 游微 務, (《説

日將暮兮悵忘歸,惟極浦兮寤懷

恨當爲憺,寤當爲顧,並詳《校補》

靈何爲兮水中,乘白黿兮逐文魚。 珠本作朱,從《文苑》改。 魚鱗屋兮龍堂,紫貝闕兮珠宫。

人皆曰河伯也。 冶少,不能游,潛行逆流百步,順流九里,得黿而殺之。 視之,則大黿之首也。』《中山經》『睢水……東南流, 左操驂尾, 右絜黿頭, 注於江, 鶴躍而 其中……多文 出 津

《晏子春秋・諫下篇》。古冶子曰:吾嘗從君濟於河,

黿街左驂以人砥柱之中流。

當是時也,

文,先是夷奴,初牧牛洞中,得鯉魚。』《書鈔》一二三引《林邑記》作鱧,是其比。 魚。』注曰:『有斑彩也。』《埤雅》『鱧,今玄鱧是也。……鱗細有花文,一名文魚。』案鱧《本草》作 **《説文》云:『驪,馬深黑色。』據此,** 《廣雅》作螻。 王念孫曰: 『今人謂之鳥魚, 首有斑文, 鱗細而黑, 則王注『鯉魚』, 鯉蓋鱧之誤。《説郛》本《林邑記》『林邑王范 故名鱺魚。 **虪之言驪也**。

與女遊兮河之渚,流澌紛兮將來下。

撕也。 河, 爲歲禱,因泮凍,秋涸凍,冬塞禱祠……自華以西……水曰河,祠臨晉, 讓改。)《初學記》七引薛瑩《後漢書》『光武至薊上,王郎使兵至,上發薊,晨夜馳騖,至下曲陽滹沱 篇或係春祠泮凍所歌, 泮涸禱塞, 《七諫・沈江》『赴湘沅之流澌兮,恐逐波而復東。』《論衡・實知篇》『溝有流澌。』(原誤壍,從係論 導使還言河流凘, 《淮南子・泰族篇》『雖有腐髊流澌。(原誤漸,從莊逵吉改。) 弗能污也。』許注曰:『凘、 王注訓凘爲解氷, 如東方山川。』注曰:『涸讀與沍同。 然玩上下文, 無船,不可渡。是流凘即流水。蓋河水秋冬涸竭, 則當作凘,《説文》『凘,流也。』《漢書・郊祀志》:『〔秦時〕春以脯酒 無冰凍事, 冱,凝也。 春則解之, 王説殆不足信 秋則凝之。」如王説, 沔祠漢中……亦春秋 春時而水至, 是爲 水也。 則本

子交手兮東行,送美人兮南浦

禮記・問喪篇》『交手哭。』《漢書・武五子燕刺王旦傳》『諸侯交手事之八年。』注『交手謂

拱手也。』

九歌解詁・河伯

三四四

波滔滔兮來迎,魚隣隣兮媵予。

《尚書大傳・大戰篇》云: Ŧ, 戴埴《鼠璞》, 《事類賦注》二九引《符子》『務光自投盧川,盧川之伯以赤鯉送之。』隣一作鱗, 《後山詩注》四《湖上》, 『武王與紂戰於牧之野,紂之卒輻分紂之車,瓦裂紂之甲, 注引並作鱗。 正德本同。 《通鑑前編》武王十三年引 《容齋三筆》一 魚鱗下賀

#### 山鬼

若有人兮山之阿,被薜荔兮帶女羅。

璐, 九一又九九四,《文選・謝靈運從斤竹澗越嶺溪行》,注引並同。 帶河』,《魏策》一『前帶河,後被山』,並被與帶爲互文。羅一作蘿。 隅。』《左傳》僖公二十五年杜注『隈,隱蔽之處。』阿訓曲隅, 注『被猶带也』。《禮記・禮運》疏『被色謂人含带五色而生者也。』《涉江》『被明月兮珮寳 王注:『阿, 即带明月之珠也。本篇『被薜荔兮带女羅』,下文『被石蘭兮带杜衡』, 曲隅也。』隅同隈。《九章·思美人》。指嶓冢之西隈兮』, 亦是隱蔽之地。《漢書・韓王信 《類聚》一九,《御覽》三 與 《楚策》一『被山 注云:『隈一作

既含睇兮又宜笑,子慕予兮善窈窕。

宜笑, 謂嬋娟作姿態也。』要紹與窈窕同,是『善窈窕』猶言善作態, 齒而宜笑也。』《白帖》二四引舊注曰:『宜笑,齒白也。』二一又引曰:『皓齒也』, 相授。』邪視者合眥而目珠微露, **≪説文≥『睇**, 得之。《後漢書・列女傳》『出則窈窕作態。』《文選・西京賦》『要紹脩態』, 眄也。 目小視也。』《易・明夷》『夷于』下釋文引鄭陸注『旁視日睇』。案睇猶眇 陳楚之間, 如含於眥中者然,故曰含睇。宜讀爲齇,詳上王注『又好口 南楚之外日睇。』 **眄眇一聲之轉。《神女賦》『目略微眄,** 即上含睇宜笑之謂也。 注曰: 並以 好 『要紹 齒釋 也。 精彩

乘赤豹兮從文狸,辛夷草兮結桂旗。

謂逐獸也。本篇『乘赤豹兮從文狸』,猶河伯『乘白黿兮逐文魚』也。《禮記・曲禮》上『德車結旌』 注云:『結謂收斂之也。』正義日:『結纏其旒著於竿也。』 被石蘭兮帶杜衡,折芳馨兮遺所思。 《詩・還》『并驅從兩肩兮』, 傳云:『從,逐也。』《孟子·梁惠王篇》『從獸無厭謂之荒』,

余處幽篁兮終不見天,路險難兮獨後來。

終猶盡也,全也。

表獨立兮山之上,雲容容兮而在下。

《吕氏春秋·慎小篇》『置表於南門之外』注『表, 柱也。』 此用爲副詞。 表然, 矗立之狀也。

九歌解詁・山鬼

《説文》『滃,雲氣起也。』容容猶滃滃也。山即巫山。

杳冥冥兮差晝晦,東風飄兮神靈雨。

留靈脩兮憺忘歸, 秋命歷序》『古初之人……綯髮閏首,以去靈雨。』《高唐賦》『湫兮如風,凄兮如雨。』 《説文・穴部》云:『窈,深遠也。』是其證。《詩・定之方中》『靈雨既零』,《路史・前紀》四引《春 《史記・項羽本紀》『窈冥晝晦』,一本杳作窈。杳、窈義同。《文選》 五臣注:『杳, 歲既晏兮孰華予。 深也。」

采三秀兮於山間, 留 待也,詳上。《淮南子・墜形篇》注『華猶光也。』《廣雅・釋言》『光, 石磊磊兮葛蔓蔓。 龍也。

『芝襖』連文, 薁襖同,是蕈亦芝類也。)三秀卽蕈菌耳。《淮南子・説山篇》『紫芝生於山,而不能生於 作菌, 文作抽绣。《方言》九『퇨謂之軸』,菌一音 siu,蓋猶軺一曰軸矣。)《釋草》因字,《列子》及《頻聚》 所引俱 聲。禾本一讀 引作秀,而釋文引司馬、崔注並訓爲芝也。然疑菌苬古本同字。金文休或從禾,疑與秀皆從 禾 《九歌》爲説,然以三秀爲三華,實誤。苬音囚,與秀音同。苬卽秀字耳。《莊子・逍 遥 遊 篇》 朝菌不知晦朔。』《淮南子・道應篇》作朝秀。 (今誤菌,從王引之改。)疑《莊子》本作苬, 王曰:『三秀謂芝草也。』案《爾雅・釋草》『菹灌、茵芝。』注『芝,一歲三華,瑞草。』 蓋即本 **苬與菌字異而音義同。三義未詳,疑當爲蕈,聲之誤也。《説文》『菌,** sin 也。 菌從困聲,困亦從禾 siu 聲,故與秀爲同字。(古書屬或作磨。《説文》榴重 地蕈也。』(《内則》 故 《淮南

盤石之上。此曰:『石磊磊』,似謂求三秀而不得, 故王注曰:『周旋山間, 采而求之, 終不能

得,但見山石磊磊,葛草蔓蔓也。』

**怨公子兮悵忘歸,君思我兮不得閒。** 

山中人兮芳杜若,飲石泉兮蔭松柏。

《漢書・東方朔傳》:『柏者鬼之廷也。』注『言鬼神尚幽闇, 故以松柏之樹爲廷府。《齊書·王

□□□□□□□,君思我兮然疑作。

僧虔傳》『鬼惟知愛深松茂柏。』

否』,即信否也。此曰『然疑作』,猶今言將信將疑! "張耳陳餘,始居約時, 『吾至今而知其信然。』然亦信也。故一本作『吾至今而知其然。』無信字。《史記・張耳陳餘列傳》 《漢書·東方朔傳》『柏者鬼之廷也。』注『言鬼舍旃,苟亦無然。』然與信,相互爲文。《惜誦》 然信以死。』然信猶信,言以死相約以爲信也。 《惜往日》『不清澈其然

**톫**填填兮雨冥冥,猿啾啾兮又夜鳴。

風颯颯兮木蕭蕭,思公子兮徒離憂。

或 殤

操吴戈兮被犀甲, 車錯轂兮短兵接。

也。』科魁一聲之轉,吾吳音同。盾甲皆所以備扞衛, 《廣雅・釋器》『吴魁,盾也。』《御覽》 三五六引作吴科。 《後漢書・東夷傳》注云: 吴戈當從一本作吾科。 王曰:『吾科, 楯之名也。』案《釋名·釋兵》『盾大而平者曰吴魁。』 故操科被甲, 連類言之。 『魁頭猶科頭

旌蔽日兮敵若雲, 矢交墜兮士争先。

凌余陣兮躐余行, 左驂殪兮右刃傷。

<br />
《説文》『潾,轢也。』『轢, 車所踐也。』凌蹸聲近義同。 躐亦蹸也。 刃疑 當爲办, 字之誤也。

霾兩輪兮縶四馬, 援玉枹兮擊鳴鼓。 **孙創古今字,創亦傷也。** 

『唯綱獨埋車輪於洛陽都亭而去。』《十六國春秋・夏録一・赫連勃勃傳》『乃於陽武下陝鑿陵. 埋車以塞路。』古稱鳴鐘、 霾,一本作埋。 《孫子・九地篇》 『是故方馬埋輪。』 曹注云: 『方, 鳴鼓、 鳴琴、 鳴瑟、 鳴筝, 鳴皆形容詞 縛也。』《後漢書·張綱傳》

天時墜兮威靈怒, 嚴殺盡兮棄原壄。

日暮也。嚴當爲莊, 天時墜,疑謂日暮。《遠遊》『恐天時之代序兮,耀靈暐而西征。』耀靈, 莊讀爲戕。《周書·謚法篇》『死於原野曰莊。』壄、 野古今字, 日也。 《原本玉篇 耀靈西征即

吅部》引作野。

出不入兮往不反,平原忽兮路超遠。

帶長劍兮挾秦弓,首身離兮心不懲。

子・賦篇》。忽兮其遠之極也。』忽與伆通。《方言》七』超, 《方言》 六 『伆, 邈, 離也。楚謂之越,或謂之遠。 遠也。』 吴越曰伆。』《懷沙》『道遠忽兮。』《荀

征賦》『首身分而不寤兮。』 《秦策》四:『身首分離,暴骨草澤。』《後漢書·文苑崔琦傳》『甲子昧爽,身首分離。』班彪《北

誠既勇兮又以武,終剛强兮不可凌。

以明, 古曰中誠、中情、 將知以武。』 即中心。『誠既勇』猶言心既勇。以猶且也。武,猛也。《楚策》一 『主嚴

魂魄毅,原作子魂魄,從一本改。身既死兮神以靈, 魂魄毅兮爲鬼雄。

九歌解詁

禮 魂

成禮兮會皷,傳芭兮代舞。

胥》『人學,春舍采合舞。』司農注曰:『舍采,謂舞者皆持芬香之采。』 菊』, 卽春秋二祭所用之花。代, 《説文》『葩,華也。』《文選・琴賦》注引郭璞曰:『葩爲古花字』,芭卽葩之省。下云::『春蘭秋 遞也。 又更也, 持以舞訖, 復傳與人更用之也。 《周禮・大

□□□□□□,姱女倡兮容與。 姱女上疑有敚句。倡同唱。

春蘭兮秋菊,長無絶兮終古。

**夷,春獻蘭,秋斂(獻)落(菊),□原魚□(鮪)以爲脯,** 《管子・輕重甲篇》『昔堯之五吏(下衍五官二字,今刪。)無所食, 鯢以爲殽。』終古猶永久也。《封禪書》。亳人 君請立五厲之祭,祭堯之五

**繆忌奏祀太一方曰:"古者天子以春秋祭太一東南郊,用太牢七日。」』** 

的基礎上重新用語體文改寫、 《九歌解詀》寫成年代不明。今存遺稿中另有一篇《楚郊祀東皇太一樂歌》,係在《解詁》 文字較《解詁》有所增删,但全文未完成。今以《解詁》爲主,參

整編組附記 八〇年八月

考《樂歌》做了一些增改。

四〇

two c	抽思	哀郢	涉江	<b>惜</b> 部
	悲回風	橘頌	惜往日	思美人

惜 誦

惜誦以致愍兮, 發憤以杼(抒)情。所非⊕忠而言之兮,指蒼天以爲正。

辭, 而『指蒼天以爲正。』以下五句, 蔣驥讀誦爲訟,近是。《漢書・東方朔傳》『因自訟獨不得大官,欲求試用。』 本篇亦自訟之 尤可參證。 訟誦古字通。 《史記·吕太后本紀》『未敢訟言誅

之。』《漢書・高后記》作誦, 是其例

**杼通抒。《哀時命》『焉發憤而抒情。』情,** 

誠也。《抽思》『焉舒情而抽信』,情信卽誠信。

年:『所不與舅氏同心者, 』《國語・越語》:『所不掩子之惡,揚子之善者, 古本同語。古誓詞多以所爲儻。 有如白水。』(此例尚多,不備舉。)所皆當讀爲儻。此曰『所非忠而言之』, 《論語・雍也篇》:『予所否者, 使其身無終没于越國! 』 《左傳》 僖二十四 天厭之,天厭

令五帝以析(折)中兮, 戒六神與嚮(相)服。 俾山川以備御兮, 命咎繇使聽直

・索隠

亦謂儻所言之不實也。

引亦作折。 王注:"五帝謂五方神也。』析一作折(朱燮元本作折,大小雅堂本同)。 案析古析字,而析折古本同字, 是树中即折中也。 《史記·孔子世家

原作『作』,此從一本作『非』,改。說見《楚辭校補》(下簡稱《校補》)。

戒, 敕也, 告也。《韓非子·飾邪篇》:『此非豐隆、五行、太一、 王相、 攝提、 六神、五

也。』疑六神亦斥星言。《漢書・東方朔傳》:『願陳泰階六符』注引孟康曰:『泰階,三台也。 括、 天河、 殷搶、 歲星,數年在西也。』《九歎・遠逝》:『訊九魁與六神』注曰: 『九魁謂北斗 台星 九星

亦通。與,一作以, 凡六星,六符,六星之符驗也。』未審六神卽三台六星否。或曰文昌宫六星, 義通。 嚮讀爲相, 助也。 王注:『服, 事也。』又曰:『俾, 即司命司中之屬 使也;

侍也。』 也。」聽直猶折中, 山川, 謂山川之神。《淮南子・詮言篇》『聽獄制中者皐陶也。』《禮記・王制》 折亦斷也。

注

· 聽,

斷

竭忠誠以事君兮,反離羣而贅肬。 忘儇(處)媚以背衆兮, 待明君其知之。

**贅**肬,言其無所用之也。 《莊子·駢拇篇》:『附贅縣疵,出乎形哉, 而侈於性。』無用之形,

儇, 讀爲嬛, 與娟同, 娟亦媚也。 於生性爲多餘,

故曰侈於性

言與行其可迹兮,情與貌其不變。故(固)相臣莫若君兮,所以證之不遠。 《漢書·功臣表》注:『循實而考之曰迹。』

《淮南子·齊俗篇》:『言與行相悖, 情與貌相反。言行情貌, 兩兩對學, 例與此

同

人君之於其臣也, 觀其行, 可以驗其言; 察其貌, 可以得其情:故曰證之不遠。

九章解詁・惜誦

四四四

**莟誼 (義) 先君而後身兮,羌衆人之所仇〔也〕。專惟 君而 無他 兮,又 衆 兆之 所** 

《國語・齊語六》『忠臣不先身而後君。』

惟, 思也。下文『思君其莫我忠兮』,又『曰君可思而不可恃。』

壹心而不豫兮,羌不可保也。疾親君而無他兮,又♡招禍之道也。

商不相豫。』《周禮·司市》鄭玄注『定物賈(價)防誑豫。』本篇下文『行婞直而不豫』,《涉江篇》『余將 寡不訏』,謂不欺詐也。書傳多作豫。《晏子春秋・問上篇》『公市不豫。』《史記・循吏傳》 『市不 **鲎道而不豫兮』**, 豫賈(價)。』《鹽鐵論・力耕篇》『古者商通物而不豫,工致牢而不僞。』《禁耕篇》 『教之以禮, 豫讀爲訏。《説文》『訏,詭僞(今作譌,從原本玉篇改)也,齊楚謂[不]信曰 訏。』 《杕氏壺》 『多 字亦並作豫(以上説本孫詒讓)。 則工

恃也, 任也。下文『曰君可思而不可恃。』

疾,亟也。

思君其莫我忠兮, 忽忘身之賤貧。事君而不貳兮, 迷不知寵之門。

原無二『也』字, 此從一本有補。 説見《校補》。

忽亦忘也。

原誤有,此改。説見《校補》。

門猶道也。

忠何罪以遇罰兮, 也一一 亦非余心之所志(識)[也]。 行不羣以巔(顛)越兮, 又衆兆之所咍

巔,《類聚》一九引作顛。朱燮元本、大小雅堂本作巔。

王注:『咍,笑也,楚人謂相調笑曰咍。』

紛逢尤以離謗兮,謇[而]⑤不可釋[也]。情沈抑而不達兮,又蔽而莫之白[也]⑤。

**譽與讓同。《方言十》:『讓,** 口吃也,楚語也。』此言逢尤離謗,口吃不能自解也

也」。 性◎鬱邑余侘傺兮, ][(也]。| □□[兮],又莫察余之中情

退静默而莫余知兮,	
進號呼又莫吾聞。	
思电侘傺之煩惑兮,	固煩言之不可結治兮,
中悶瞀之忳忳。	願陳志而無路

昔余夢登天兮,魂中道而無杭。吾使厲神占之兮,曰『有志極而無旁(方)。

也。 '』此重在洸潒一義,言徬徨不定也。漭沆或倒爲沆漭, 無杭疑當爲漭沆,聲之誤也。 《文選・西京賦》『滄池漭沆』注曰:『漭沆猶洸潒, 馬融《廣成頌》『瀇瀁沆漭』。

揚雄《羽獵賦》『鴻濛沆茫』。 九章解詁・惜誦 不分明貌, 與洸豫不定之義亦近。

四五

亦寬大

四六

無方』,猶言雖有目的而無道可至也。王注:『猶欲事君而無其路也』,得之。 下文『同極而異路兮』, 不就汙池。何則?其志極遠也。 志極猶極也。 《説苑·政理篇》:『夫吞舟之魚,不遊枝流 (二字本作淵, 《淮南子・説山篇》『所極一也』是其義也。 《列子·楊朱篇》作『其極遠也』。 極謂終極,猶今言目的, 旁讀爲方, 從《列子》改),鴻鵠高 道也。『有志極而

終危獨以離異兮』, 危亦獨也。《莊子・繕性篇》『危然處其所』郭注曰:"『危然獨正之貌』。 成疏曰: 『危猶獨 曰『君可思而不可恃。故(固)衆口其鑠金兮, 初若是而逢殆。 也。

下仍厲神之語。此一人之語再用曰字更端别起例, 《釋文》引司馬本恑,云『獨立貌』。 案危訓獨者, (俊峻通)。文曰:『步余馬兮飛柱,覽可與兮匹儔。 蓋孤之轉。 卒莫有兮纖介, 説詳《離騷》。 《九懷》章目有『危俊 永余思兮怞怙。』 《晏子春秋·諫上篇》『衆口 可證。 猶孤特也 日字

鑅金』。

原無『而』字,此補

<sup>○</sup> 原無二『也』字,此從一本有補。説見《校補》。

<sup>◎</sup> 原無二『也』字,此從一本有補。以上說見

原作心,此從一本作。他,, 改

**⑤** 此行脱二句

<sup>》</sup> 此行脱二句。以上説並見《校補》。

① 原作申,此改。

懲於羹○而吹整兮,何不變此志也。欲釋階而登天兮, 又猶②曩之態也。』

王注:『言人有歠羹而中熱, 心中懲
る, 見整則恐而吹之, 言易改移也。』

釋,捨也。階,梯也。

曩之態,謂曩者登天,漭沆中道之態。

衆駭遽以離心兮, 何⑤以爲此伴也。同極而異路兮, 又何以爲此援也?

道而 己所行如此, 殊趨也。 伴 侣也。援, 皆驚駭惶遽,心懷離貳,良以彼與我雖同欲事君, 若是者乃欲其與我爲伴侣, 助也。所依倚以爲援助者亦謂之援。伴援疊韻連語, 資我以援臂, 寧可得乎? 而性有忠佞之别,故不得不異 故義亦相近。 衆人見

晉申生之孝子兮, 父信讒而不好。 行婞直而不豫兮, 鮌功用而不就。

好,愛也。

用,因也。治水之功,因以不成也。

吾聞作忠以造怨兮, 忽谓之過言。九折臂而成醫兮, 吾今而知其然四。

《管子·形勢篇》:『人事之起,迎親造怨。』《莊子·徐無鬼篇》:『未始離於岑而足以造(於字

『此師徒相與造怨也。

忽,輕忽之也。輕忽聞之,以爲不實。

疑衍)怨也。』《吕氏春秋・誣徒篇》:

九章解詁・惜誦 軽忽世之 じ 鳥

王注曰:言人九折臂, 更歷方藥, 則成良醫。 ……吾被放棄, 乃信知讓佞爲忠直之害也。』

矰弋機而在上兮, 罻羅張而在下。設張辟(解)以娱君兮, 願側(仄)身而無所

今乃知斯言之不謬也。

而

猶乃也。

然,

信也。

發也, 動詞, 與張對文。 《淮南子・俶真篇》:『今矰繳機而在上, **思**罟張而在下。 注

謬練》、 《哀時命》並云『機蓬矢以射革。』機字義並同此

發也。』《漢書・息夫躬傳》:『鷹隼横厲,鸞徘徊兮,

贈若浮森,

動則機兮。』本書《七諫:

曰『機,

張辟連讀, 張謂弧張, 辟謂機辟也。《周禮》冥氏『掌設弧張』注曰:『弧張, 置單之層, 所

於機辟, 以扃絹禽獸。』《墨子・非儒篇》: 『大寇亂, 器》:『紫謂之罿, 死於罔罟。司馬注曰:『辟, 罿, **罬也。 曩謂之罦,罦,覆車也。』注曰:『今之翻車也,** 罔也。』《山木篇》:『然且不免於罔羅機辟之患。』《爾雅 盜賊將作,若機辟將發也。』《莊子·逍遥遊篇》: 有兩轅, 中施育 中 釋

欲 **檀個以干傺兮**, 恐重(踵)患而離尤。 欲高飛而遠集兮, 君罔谓汝何之?

捕鳥。』辟與驟通(以上張辟説本王念孫)。案張承上矰弋言,辟承上罻羅言。仄,匿也,

干當爲坎, 羹下原有『者』字,此從一本無删。説見·校補»。 字之誤也。 《九辯》『然飲祭 而沈藏」, **欿一作坎。此本作坎傺**,

坎譌爲

秋

(《集

伏也。

原作『猶有』, 此從一本改。 說見

何上原有『又』字,此删。説見《校補》。

此句原作『吾至今而知其信然』,此從一本改。 説見《校補》。

而不發』。 韻》音干, 又作飲切。 求也),又改爲干也(武延緒説)。字一作陷滯。《懷沙》『陷滯而不濟』,《思美人》『陷滯 《哀時命》『塊獨處此曲隅兮, 然飲切而永歎。』皆遲滯不行之謂也。 踵 蹈

也。 踵患與離尤對文。《九歎・離世》『屢離憂而逢患』, 踵患亦猶逢患。

欲橫奔而失(軼)路兮, 蓋志堅而不忍〇。背膺敷□ 辟以交痛兮,心鬱結而紆軫。

人言。」

横,

狂也。

《抽思》『願摇起而横奔兮』。軼,越也。

《曲禮》上『從於先生,不越路而

與

别、符别(第), 合。』《漢書·文帝紀》注:『與郡守爲符者, 字别之。』《士師》,凡以財獄訟者,正之以傳別約劑。』注曰:『傅别, 鄭興注《小宰》, 敷牉古之成語。《周禮・小宰》:『四曰聽稱責以傅別』注曰:『傅別,謂爲大手書於一札, 俱聲相轉, 鄭衆注《士師》, 惟此爲動詞, 並讀爲符別。 彼皆爲名詞耳。『背膺敷胖以交痛』者, 謂各分其半, 《説文》:『符……漢制以竹, 右留京師, 中别手書也。』二職故書並 左以與之。 敷胖與傅辨 長六寸, 猶言背胸分裂, 《釋名· 分而 釋書 二爲傅 中 傅

軫, 轉也。

如符莂之中破,

因而心中交引而隱痛也。

標木蘭以矯萬兮, 一作擣, 春也。 繫申椒以爲糧。 矯讀 爲敲, 擊也。 播江離與滋菊兮, 擣蘭敲蕙。 願春日以爲糗芳。

九章解詁・惜誦

四九

王注:播,種也。

『熟而粉碎謂之糗』, 之妙米粉、炒麵粉。此以糗芳並言,疑芳卽粉聲之轉。《周禮》箋人『糗餌粉餈』, 《説文》:『糗,熬米麥也。《釋名・釋飲食》:『糗, 《尚書・粊誓》疏:『糗, **擣熬榖也**, 齲也, 謂熬米麥使熟又擣之以爲粉。」是糗即今 飯而磨散之, 使齲碎也。』《字鏡》: 糗芳卽糗粉也。

《九歌・東皇太一》:『盍將把兮瓊芳』,亦卽瓊粉,猶《離騷》云『瓊靡』矣。 □□□□□(兮), □□◎。恐情質之不信兮,故重著以自明。

愿曾思而遠身兮,矯兹媚以私處。〔世溷濁而莫余知兮, 情質猶情實也。 吾方高馳而不顧」四。

也, **弔屈原文》:摇增逝而去之。』(逝上原有翮字)** 不可通。疑思當爲逝,聲之誤也。《淮南子・覽冥篇》:『遝至其曾逝萬仞之上』, 吾方高馳而不顧』二句原在本篇末, 逝猶飛也。』本書《九思·悼亂》:『玄鶴兮高飛,曾逝兮青冥。』曾或作增。《史記·賈生傳· 前二句今本作『矯兹媚以私處兮, 當移置於此: 願曾思而遠身』,當互易;《涉江篇》『世溷濁而莫余知兮, 即逝之譌衍。)《漢書・梅福傳》:『夫戴鵲遭害, 處、 顧爲韻。 説詳《校補》。『曾思而遠身』, 注曰:『曾猶高 則

<sup>○</sup> 原作"堅志而不忍』,此從一本。

① 原無『敷』字,此從一本有補。以上說並見·校補》。

③ 此行疑脱二句,説見《校補》。

❷ 二旬自≪涉江篇≫移此。説見≪校補≫。

也, 字),以名譽見尊也。』矯,慧琳《一切經音義》八七,引作撟。《廣雅・釋詁一》:『撟,擇也。』又 處士卽隱士。《淮南子・主術篇》:『是故處人以譽尊而游者者以辯顯。』注曰:『處人隱居 仁鳥增逝。』《文選》張茂先《鷦鷯賦》:『又矯翼而增逝。』《吕氏春秋・權勳篇》:『爲人臣不忠貞,罪 忠而不用,遠身可也。』本書《哀時命》:『時猒飫而不用兮,且隱伏而遠身。』處猶隱也。 取也。』《方言二》:『撟捎, 選也,凡取物之上謂之撟捎。』媚讀爲美 (原行: 古稱

兮,吾將遠逝以自疏。』一段,與此上八句大意略同。 《離騷》『折瓊枝以爲羞兮, 精瓊爢以爲粻。爲余駕飛龍兮,雜瑶象以爲車。 何離心之可同

之圃。」 〔亂曰:駕青虬兮驂白螭,被明月兮珮寶璐。〕□□□[兮〕□□□,〔吾與重華遊兮瑶

被猶帶也。 □ [兮]□□□, [登崑崙兮食玉英,與天地兮同壽, 明月, 珠名。珮本一作佩。《字鏡》六載《玉篇》引同。 與日月兮同光。」〇 寶璐, 美玉。

遠我昬乎, 篇》:『故余將去汝, 同壽同光, 人其盡死, 一作比壽齊光。《文選》陸士衡《弔魏武帝文》注引作比壽齊光。《莊子·在宥 入無窮之門, 以遊無極之野, 吾與日月參光, 吾與天地爲常, 當我緡乎, 而我獨存乎! 』《淮南子・俶真篇》:『能遊冥冥者, 與日月同光。』

#### 涉 江

余幼好此奇服兮,年既老而不衰。帶長鋏之陸離兮, 冠切雲之崔嵬。②

冠名 王注『奇服,好服也。』《國語・晉語》『是故賜我奇服』。王注『衰,懈也。長鋏,劍名也。』切雲, 謂之切雲者:切, 摩也。 《哀時命》『冠崔嵬而切雲。』注曰:『冠則崔嵬, 上摩於雲。』是其

Ħ
H
H
H
$\vdash$
公
ب
$\vec{-}$
님
$\Box$
F
0
哀
南
声
7
4
晃
音
知
兮
,
H
云
水流
質工
□□□□□□兮〕,□□□□□□□□。哀南夷之莫吾知兮,旦余濟乎江湘。
江
湘
0

義。

《説苑・善説篇》『昔者荆爲長劍危冠,令尹子西出焉。』

是濟江湘而北行。 《墨子・兼愛中篇》『以利荆楚干越與南夷之民。』南夷蓋指大江南今湖南省地。 濟江洲, 當

乘鄂渚而反顧兮,欸(哀)秋冬之緒風。 |國策・齊策》『乘夏水而下漢,四日而至五渚。』(《史記・蘇秦傳》同。)《秦策》『大破荆, 步余馬於山皐兮,邸(榰)余車乎芳林幽。 襲郢,

 $<sup>\</sup>Theta$ 以上除『亂曰』二字及缺文二句,並本《涉江篇》,前四句本作『被明月兮珮寳璐, 駕青虬兮骖白螭。』説見《涉江篇・校補》。 世溷濁而莫余知兮,吾方高馳而不

以下有八句移至《惜誦篇》末,已見上文。

疑脱二句,説見《校補》。

以上二句中『於』『乎』原俱作『兮』,據《離騷》句例改, 説見《校補》。

『哀牢』注曰:『西南夷號,實發聲之詞。』唐人元結柳宗元等詩俱作欸乃。字一作誒。《漢書・韋賢傳》『勤誒厥 取洞庭五都江南。』《史記・蘇秦傳・集解》引作五渚。 (《韓非子・初見秦篇》作五湖。)疑五渚即 鄂渚, **楢輪木也。』字一作脂,又作指。 《詩經・何人斯》,爾之亟行,遑脂爾車。』《韓詩外傳》『指車百乗, 案讀爲抵。《説苑・臣術篇》『道狹,下抵車而待之。』卽榰車也。《説文》坻,重文作 渚。** 生。』卽勸哀厥生。)王注『緒,餘也。』『哀秋冬之緒風』,猶《哀郢》云:『悲江介之遺風』也。 邸一作低, 五鄂聲相近也。乘,登也。既濟湘而北, 遂登鄂渚,以回望湘南。 欸讀爲哀。(\*後漢書·班彪傳 又『朝

**乘**舲船余上沅兮,齊吴榜以擊汰, 船容與而不進兮, 淹回水而疑(凝)滯。

汰, 同。《説文》『滯,凝也。』 船權也。』郭忠恕《佩觿集》:『汏,濤也。』(汏汰同。)《哀郢》 『楫齊揚以容與兮,』與此『齊吴榜以擊 許注曰:『舲,小船也。』(原本《玉篇・舟部》引)洪注曰:『上謂遡流而上也。』王注曰:『昊 ト(大也)。 栲, 船容與而不進,』義同。疑,本一作凝。《書抄》一三七、《御覽》七七○、《文選・別賦》注引 《淮南子·主術篇》『湯武聖主也, 而不能與越人乘舲舟而浮於江湖。』《俶真篇》『越舲蜀 艇。』

朝發枉陼兮,夕宿辰陽。苟余心其端直兮,雖僻遠之何傷。

《輿地紀勝・常德府》引《元和郡縣志》:陼作渚

人溆浦余儃佪兮, 迷不知吾所如。深林杳以冥冥兮, 獲狖之所居。

九章解詁・

涉江

五三

《哀郢》有夏浦, 謂夏水之浦。 則溆浦亦謂溆水之浦,此捨舟登陸也。

山峻高以蔽日兮,

也。』案翼亦覆也。《詩經・生民》『鳥覆翼之。』覆翼同義複詞 承猶覆也。《哀時命》『雲依霏而承宇。』《文選・天台山賦》『彤雲斐亹以翼櫺。』注曰:『翼猶承 下幽晦以多雨。霰雪紛其無垠兮,雲霏霏而承宇。

哀吾生之無樂兮, 幽獨處乎山中。吾不能變心而從俗兮, 接輿髡首兮, 桑扈贏形。 固將愁苦而終窮。

忠不必用兮,賢不必以。伍子逢殃兮,比干菹醢

《管子・形勢篇》『後穉逢殃。』《九歎・怨思》『王子比干之逢醢。』

與(舉)前世而皆然兮,吾又何怨乎今之人!余將董道而不豫兮, 固將重(童)昏而終

身。

也。』《淮南子・氾論篇》『古者民(原誤人)醕工龐,商樸女重。』重卽童昏, 刺》『三赦日惷愚。』鄭注曰:『生而癡騃童昏者。』《國語·鄭語》『童頑窮固』韋注曰:『童昏固陋也。 一作僮昏。 王注『董, 《晉語》『僮昏不可使謀。』注曰:"『僮昏,無知也。』又作僮悟。 《廣雅·釋詁》 『僮悟, 正也。』《詩經·褰裳》 『狂童之狂也且。』 《傳》曰:『狂行童昏所化也。』 《周 字正作重。《大戴禮記· 禮 一司

説見《校補》。

主言篇》作『民敦工璞、 商慤女憧。」憧與童通。

亂曰:「鸞鳥鳳皇, 日以遠兮。 燕雀鳥鵲, 巢堂壇兮。

『露申辛夷, 死林薄兮。 腥臊並御, 芳不得薄(敷)兮。

本作敷,是其比。敷, 王注上薄字曰:『草木交錯曰薄。』下薄字讀爲敷。《詩・蓼蕭》箋引《虞書》『外薄四海。』釋文 布也, 播也。《説文·説玉德》曰:『其聲舒揚, **旉以遠聞。」 旉敷同。** 

『陰陽易位, 時不當兮。 懷信侘傺, 忽乎吾將行兮。』

言敷,

猶聲音言勇矣。

者誠也,專一不移也。』忽, 當猶遇也。 《思美人》『因飛鳥而致辭兮, 忘也。 將猶當也。心懷誠信,悵然住立, 羌迅高而難當。』當亦訓遇。 遂忘已之當有遠行也。 《白虎通・性情篇》『信

哀 郢

之交亂兮, (《七諫・哀命》『傷楚國之多憂。……何君臣之相失兮,上沅湘而分離。 遂側身而既遠。……痛楚國之流亡兮,哀靈修之過到。」)

皇天之不純命兮, 何百姓之震愆!民離散而相失兮, 方仲春而東遷。

純 專也, 九章解詁· 也。 天不純命, 猶言天命不常。 震, 驚也。 愆讀爲騫。 《説文》愆重文作寒。 五.

哀郢

E.

隼《侍遊曲阿後湖詩》『人靈騫都野,鱗翰聳淵丘。』注曰:『騫聳皆驚懼之意也。』字一作蹇, 又作騫。』《文選》劉越石《扶風歌》『惟昔李騫期。』注『騫古通愆。』並其比。 <詩經・假樂»『不愆不忘,』《春秋繁露・郊語篇》作騫。《列子・黄帝篇》『而已無愆。』釋文『愆本 騫亦驚也, 《文選》顔延 **%**方

言》六:『蹇,

擾也。人不静,秦晉曰蹇。』驚擾義近。一説震、

動也。《左傳》哀十六年『失所爲

所義近。震愆猶言蕩動失所。 **愆。』案愆之言衍也。《易・需九二象傳》虞注『衍,流也。』《小爾雅・廣言》『衍,散也。』流散與失** 然與前說義亦相通。 《尚書· 盤庚》。曷震動萬民以遷。』

去故鄉而就遠兮, 疑江夏本一水, 如江漢江湘之類。下文『江與夏之不可涉。』或衍與字。鼂,鈔本《渚宫舊 遵江夏以流亡。 出國門而軫懷兮, 甲之龍(朝)吾以行。

發郢都而去間兮, 事》作朝。 甲朝謂甲子之朝。馮衍《顯志賦》『甲子之朝兮,汨吾西征。』 怊荒忽其焉極○! 楫齊揚以容與兮, 哀見君而不再得。

里也。 極, 止也。 上云遵江夏、 出國門,下云過夏首、 顧龍門, 是此時郢都在夏水下

望長楸而太息兮, 涕淫淫其若霰;過夏首而西浮兮,顧龍門而不見。

游,

不在江陵也。

長楸爲表道樹(是也。) "《古樂府·離離歌》是行梓道中, 王注『長楸,大梓。』『言已顧望楚都, 見其大道長樹, 梓葉相切磨。』是古以楸梓表道之證。王 悲而太息, 涕下淫淫如雨霰也。』王 以

<sup>○</sup> 荒上原無『怊』字,從一本有補。説詳《校補》。

注『夏首,夏水口也。』《荀子・解蔽篇》『夏首之南有人焉。』王注『龍門, 楚東門也。』

心嬋媛而傷懷兮, 眇不知其所蹠。順風波以從流兮,焉洋洋而爲客。

游, 或以車。』亦謂適越。『眇不知其所蹠。』與《涉江》『迷不知吾所如』語意句法俱同。 嬋媛詳《離騷》。 《淮南子・原道篇》『自有蹠無。』注曰:『蹠,適也。』 《説林篇》 『蹠越者或以 焉猶乃也。

凌陽侯之氾濫兮, 忽翱翔之焉薄。心絓結而不解兮, 思蹇産而不釋。

王注『洋洋,

無所歸貌也。』

係説) 結也。 通。絓結原本《玉篇・系部》引作結絓,結絓猶結縎也。王注『蹇産,詰屈也。』結絓雙聲連語,絓,亦 王注『淩,乘也。陽侯,大波之神。』『薄,止也。』慧琳《一切經音義》一三又一八,引作泊。 薄泊 《廣韻》『絓, 絲結也。』《史記・律書》『秦二世結怨, 匈奴絓禍於越。」結與絓同義。(王念

將運舟而下浮兮, 上洞庭而下江。去終古之所居兮,今逍遥而來東。

之也 王注 運, 回也。』上言西浮,至此又回舟東行。然舟回實因江回,江回路轉, 而舟亦隨

羌靈魂之欲歸兮, 何須臾而忘返!背夏浦而西思兮, 哀故都之日遠。

靈魂思歸,何嘗須臾而忘其歸返故鄉之念哉

九章解詁・哀郢

## 九歌解詁 九章解詁

登大墳以遠望兮, 聊以舒吾憂心。哀洲土之平樂兮, 悲江介之遺風

遺風。』注曰:『遺風, 也。《文選・曹子建雜詩》『江介多悲風,』注曰:『介,間也。』《文選・聖主得賢臣頌》』追奔 也。』《管子・形勢篇》『見哀之佼』釋作見愛之交。《樂記》『肆直而慈愛者』注『愛或爲哀。』 悲猶 報史篇》『人主胡可以不務哀士!』注『哀,愛也。』《淮南子・説林篇》『各哀其所生』, 水邊地高起者曰墳。哀,愛也,戀也。《詩經・關雎序》『哀窈窕』,愛窈窕也。《吕氏春 風之疾者。』《甘泉賦》『輕先疾雷而馺遺風。』下二句言戀洲土, 愁江 注『哀, 風 電, 秋 愁 欲 逐

當陵陽之焉至兮,淼南渡之焉如♡!曾不知夏之爲丘兮,孰兩東門之可 蕪!

留而不行也

曾猶從也。 理志》丹陽郡有陵陽縣, 《招魂》所謂『路貫盧江左長薄』也。夏疑即漢江夏地, 值也,抵也。 從不知國邑之變爲廢墟也。 既抵陵陽,其又將至何處!南渡淼茫,彌望無際, 在今安徽青陽縣南六十里,其地當大江之南, 孰, 猶孰謂也。《七諫・謬諫》『孰江河之可涸! 此時楚都所在。 盧江之北。 其將何往!《漢書·地 王注『丘, 南渡蓋謂 墟也。

心不怡之長久兮, 憂與愁其相接。 惟郢路之遼遠兮,江與夏之不可涉。

心(今作止,從王念孫改。) 極治, 《國語・晉語》『主色不怡。』太史公《報任少卿書》『聽朝不怡。』一作柸治。《淮南子 悖若有喪也。』注『楚人謂恨不得爲柸治也。』又作不怠。 《論衡·道 道應

<sup>○</sup> 南上原無。淼。字,據注補

虚篇>『心不怠。』俞樾謂柸治、不怠, 並即不怡。 憂與愁一作憂與憂, 《藝文類聚》六四,《太平

御覽》四六九引同。 此心長懷不樂,一憂甫去, 憂又來。

忽若去而不信兮⊖,至今九年而不復。 慘鬱鬱而不通兮, 蹇侘傺而含戚。

忽猶怳忽也。身雖去國, 猶疑未去; 離迷怳忽, 若在夢中。 復, 返也。 慘, 憂也。

外承歡之汋(綽)約兮, (被)

同,

乃也。(章炳麟説)

兮。』注曰:『綽約,善容止也。』卽此汋約承歡之義。王注『諶,誠也。』王注『湛湛, 武延緒疑外爲衆誤, 近是。汋約即綽約, 諶荏弱而難持(恃)。忠湛湛而願進兮, 柔媚貌也。 《漢書·揚雄傳(上)》『閨中容競綽約 妒被 厚重貌。』被本 離而鄣之。

堯舜之抗行兮, 杳冥冥而薄天⊜。 衆讒人之嫉妒兮, 被以不慈之僞名。

作披,鈔本《渚宫舊事》及《困學紀聞》一七引並同。

抗同亢, 高也。 薄廹同。 被, 加也。 《莊子・盗跖篇》『堯不慈, 舜不孝。』

憎愠惀(婉孌)之修美兮, 好夫人之忼慨。 衆踥蹀而 日進兮, 美超遠 加 逾邁。

愠惀之反也。 夫人猶凡人, 衆人也。下文衆卽夫人。美卽修美也。

《淮南子

·時則篇》『純温以淪。』温淪卽愠

倫,

和

順貌也。

然疑

此借爲婉變。

惊慨,

激切 貌,

**亂曰:**『曼余目以流觀兮, 冀壹反之何時!鳥飛反故鄉兮,狐死必首丘。

九章解詁・哀郢

五九

# 九歌解詁 九章解詁

而死, 『信非吾罪而棄逐兮,何日夜而忘之!□□□□□□(兮), 自生;禮,不忘其本。」古之人有言曰:「狐死正丘首」,仁也。」 **會眥審諦之貌也。《招魂》『遺視矊些。』瞞矊聲義倶近。《淮南子・説林篇》『鳥飛反鄉,兔走歸** 狐死首丘,寒將(螀)翔水,各哀其所生。』《繆稱篇》『夫子見禾之三變也,滔滔然曰:「狐鄉丘 曼讀爲眄。《説文》『瞞,平目也。』《繋傳》曰:『目瞼低也。』《字林》『瞞, 我其首禾乎!』注曰:『禾穗垂而向根,君子不忘本也。』《檀弓(上)》『君子曰:「樂,樂其所 目眥平貌。』案遠望者

#### 抽思

心鬱鬱之憂思兮,獨永歎而增傷。思蹇産之不釋兮,曼遭夜之方長。

魏文帝《寡婦賦》『涉秋夜兮漫漫。』《甯戚商歌》『長夜漫漫何時旦。』曼猶漫漫也。之猶其也,言 遭 ≪悲回風≫『終長夜之曼曼。』注『曼曼,長貌。』≪文選・長門賦≫『夜曼曼其若歲兮。』字一作 漫。

夜漫漫其方長也。

<sup>)</sup> 若下原無『去』字,從一本有補。説見《校補》。

<sup>》</sup> 原作『瞭杳杳而薄天』,此從一本改。説見《校補》**。** 

<sup>○</sup> 疑缺二句,説見《校補》。

悲愁風之動容兮,何回極之浮浮。數惟蓀之多怒兮,念余心之懮懮。

回旋之樞軸。 動容猶沖涌, 《九歎・遠遊》『徴九神於回極。』猶言召九神於天上也。浮 浮, 風氣動貌也。極,天極。天極回旋,故曰回極。 此蓋泛指天字, 動貌。 不專

謂天體 屢 也

願摇起而横奔兮, 覽(擥)民尤(訊)以自鎮。結微情以陳詞兮,矯(撟)以遺夫美人。

惟,

思也。

王注『優優,

痛貌也。

摇起, 疾起也。 《方言》二。摇, 疾也。燕之外, 鄙朝鮮洌水之問曰摇。」《古文苑》枚乘《梁王

也, 取也。 訧, 怨也。鎮義未詳。微, 隱也。撟, 舉也

**莬園賦》『羽蓋繇起。』《漢書・郊祀志》 『 選興輕舉 。』** 

繇遥並與摇通。

(以上摇字説本王念孫)藥,

采

昔君與我成言兮,曰黄昏以爲期。 羌中道而回畔兮,反既有此他志。

既猶乃也。《檀弓下》『或敢有他志。』

憍(驕)吾以其美好兮,覽余以其修姱。 與余言而不信兮, 蓋爲余而造怒。

矜也。覽,

示也。

蓋本一作盍

願承問而自察兮, 心震悼而不敢。 悲夷猶而冀進兮, 心怛惕之惰惰(澹澹)。

自察猶自明, 自白也。 澹澹, 悼動貌

歷兹情以陳辭兮, 蓀詳(佯)聾而不聞。 固切言之不媚兮(), 衆果以我爲患。

九章解詁・抽思

《説苑・貴徳篇》『願陛下察誹謗, 聽切言。』《漢書・成帝紀》鴻嘉二年詔:『冀聞切言嘉謀,

匡朕之不逮。』

初吾所陳之耿著兮,豈至今其庸亡(忘)!何獨樂斯謇謇兮⑤?願蓀美之可光⑤。

庸猶遽也。 (訓見《經傳釋詞補》)余何以獨好爲此謇謇忠直之言哉? 冀君美德可以光大耳

望三五以爲像兮,指彭咸以爲儀。夫何極而不至兮,故遠聞而難虧。

聞謂聲譽,虧,歇也。名愈大者愈難滅也。

善不由外來兮, 名不可以虚作。 孰無施而有報兮, 孰不實而有穫。

少歌曰:與美人抽怨兮,並日夜而無正。憍(驕)吾以其美好兮, 無正, 無與平正其是非者。《惜誦》『指蒼天以爲正。』憍,本一作驕。敖, 敖(誊)朕辭而 本一作警。《説 不聽。

倡曰:『有鳥自南兮, 文》『誊,不省人言也。』《莊子・天地篇》『雖以天下譽之,得其所謂,警然不顧。』 來集漢北。 好姱佳麗兮, 胖獨處此異域。

『既惸獨而不羣兮,又無良媒在其側。道卓(逴)遠而日忘兮, 願自申而不得。

少歌,

小聲歌之。倡,

大聲歌之。

言原作。人。, 此改。説見《校補》。

原作『何毒藥之審審兮』,此從一本改。

説見《校補》。

会 光原作『完』,從一本改。說見《校補》。

卓,本一作逴。日忘, 謂君日忘己也。

『□□□□□□□○兮〕,□□□□□□□○。望南山◎而流涕兮,臨流水而太息。 望孟夏之短夜兮,何晦明之若歲!惟郢路之遼遠兮,魂一夕而九逝。

曾不知路之曲直兮, 南指月與列星。願徑逝而未得兮, 魂織絡◎之營營。

直也。《後漢書・張衡傳・思玄賦》『庸織絡於四裔兮。』注曰:『織絡猶經緯往來也。』《詩

經·青蠅»『營營青蠅。』傳曰:『營營,往來貌。』

何靈魂之信直兮,人之心不與吾心同!理弱而媒不通兮,尚不知余之從容。』

尚不知,猶曾不知也。《説文》『尚,曾也。』上文『曾不知路之曲直。』《哀郢》『曾不知夏之爲

丘兮,』《懷沙》『孰知余之從容。』

亂曰:『長瀨湍流,泝江潭(魯)兮。狂顧南行,聊以娱心兮。

潯。本當北去,而思作南行之態,以自慰痴情。然猶慮後有追及之者,故其行 也,瞿 瞿 反 顧。 杜甫《哀江頭》『欲往城南望城北。』情態略同。 (《文選·江賦》注《應韶樂遊苑詩》注引。)《漁父》『屈原既放,游於江潭。』《七諫・初放》『便娟之 脩竹 寄生乎江潭。』《漢書·揚雄傳上》『因江潭而淮記兮,』注引蘇林曰:『潭,水邊也。』 亦以潭爲 疾也。逆流而上曰泝。《淮南子·原道篇》"故雖游於江潯海裔。』許注曰:"潯,水涯 也。

九章解詁・抽思

### 『軫石崴嵬, 蹇吾願兮。 超回志度,行隱進兮。

九

歌解詁

九章解詁

『瘣, 『乍時蹠以狼戾。』朱駿聲謂即峙墀, 摇 注日: (超低一聲之轉, 嚴裹不平也。』 翺翔也。」 《玉篇》『碜,石不平貌。』《漢書・司馬相如傳》『盤石裖崖。』 孟康注曰: 郭盧罪反。』蹇猶阻難也。超讀爲招摇之招。《史記・孔子世家》『招摇市過之。』集解曰:『招 『謂重密而累積也。』殄砵同。 超回蓋即低佪之轉。)隱,微也。所進甚微,言其行遲也。 超回謂招摇回翔於天上也。 《爾雅·釋木》『抱遒木魁瘣。』注曰:"謂樹木叢生, 是也。 (以上説本武延緒)嚴嵔猶嵔累, 超回與時蹠義近,猶下文。低個夷猶」,亦二詞義近也。 超回與昭回同。 志度疑當爲時蹠。 **魂磊也**。 根枝節目, ~~~ 《文選·吴都 《文選·長笛 盤結砚磊。釋 賦 賦 文

低佪夷猶, 宿北姑(渚)兮。 煩冤瞀容, 實沛徂兮。

姑卽北渚。

姑渚聲近,

渚。 太伯世家索隱》引宋忠説曰:"姑之言諸也。』並其比。 集解》引《戰國策》作五渚。 移讀如蒙, 煩冤瞀容並疊韻連語, 《風俗通・山澤篇》『湖者都也。 《韓非子・初見秦篇》:『五湖』, 皆惑亂貌也。 瞀容一作瞢容, 言流瀆四面所猥都也。』又《史記 《秦策》作五都。 《文選・魏都 **\***史記 賦»『有靦曹 蘇 秦 ・吴

疑缺二句, 説見《校

原作北山, 從一本作南山,改。

原作識路, 此改。 說見《校補》

容。』注『瞢,愧也。』非是。(以上瞀容説本武延緒。)悖,乖也、誤也、亂也。 徂 行也。

『愁歎苦神,靈遥思兮。路遠處幽,又無行媒兮。

幽,僻也。《九懷・株昭》『修潔處幽兮。』

『道(抽)思作頌, 聊以自救兮。憂心不遂,斯言誰告兮。』

篇名《抽思》,卽據此文。頌猶詩也。《吕氏春秋・勸學篇》『是救病而飲之以堇也。』注曰:『救,治 朕德。』《史記·夏本紀》 迪並作道。《説文》『導,引也。』『擢,引也。』重文作抽。 疑此舊本作 抽、 也。』《説文》球重文作璆, 道讀爲抽。《尚書・君奭》『我道惟寧王德延。』釋文引馬本道作迪。 是救瘳聲近,然則自救猶自瘳耳。遂,達也, 《益稷》『各迪有 功。』『迪 申也。

#### 懷沙

ζ蔣驥≪楚辭餘論下≫引李陳玉曰:『懷沙, 寓懷長沙也。』案李説非也。 懷沙猶囊沙,

囊沙赴水以自沉。)

滔滔孟夏兮,草木莽莽。傷懷永哀兮,汩徂南土。

滔滔,盛貌。南土謂長沙。

九章解詁・懷沙

六五

### 九歌解詁 九章解詁

眴□沓沓[兮],孔静幽默。 鬱結紆軫兮,離慜(愍)而長潮。

誤作兮。句中眃誤兮,後人乃删句末兮字也。《爾雅·釋詁》『孔,間也。』案孔爲間隙之間(名詞), 注引本書同。王注『慜,痛也。鞠,窮也。』 幽默三字義俱近。 亦爲閒暇之閒(形容詞)。(孔之言猶空也,空,有名詞、形容詞二義,故孔義亦然。)此孔字訓閒 暇,與 静 **頡篇》『眩眩,** 首句原作『眴兮杳杳』,此眴下一字,疑當作眃。眴眩古字通。《文選・思玄賦》 舊注引《蒼 目視不明貌。』與杳杳義合。此本作『眴眃杳杳兮,』眃缺損作云,草書云兮形近,因 軫亦紆也, **紆軫與鬱結對文。慜,《史記》作愍。** 《文選·月賦》注、《悼亡詩》

撫情効志兮,寃屈而自抑。刓方爲圜兮,常度未替。

之。《文選・長笛賦》『致誠効志』, 志兮,恐犯忌而干諱。卒撫情以寂寞兮,然怊悵而自悲。』足與此文相發。常度,猶故態也。 案也、定也。《文選·神女賦序》『撫心定氣』,即此撫情之義。下文寃屈自抑, 効亦致也。此謂撫情以効志。《七諫·繆諫》曰:『願**承**問 而効 承此言

易初本迪(道)兮,君子所鄙。章(彰)畫志(識)墨兮,前圖(度)未改。 《思美人》『欲變節以從俗兮, 媿易初而屈志。』《國策・趙策二》『今王易初不循俗,

胡服

不顧

世。』本,疑當爲變《詳《校補》)。此易初變道對舉,猶《思美人》變節易初對舉也。 志,《史記》作職

職識通, 謂明著也。規畫彰明,繩墨昭著。《管子・宙合篇》『明墨章畫(今作畫,從王念孫改。),道

德有常, 則後世人人循(今作後,從王改。)理而不迷。』明墨章畫,猶此言章畫志墨,道德有常,

猶

此言前圖未改也。(《史記》圖作度。)

内厚質(志)正兮,大人所盛。巧倕不斲兮,孰察其撥正?

『不能以撥弓曲矢中。』《戰國策・西周策》『弓撥矢鉤』,義並同。《莊子・大宗師篇》『曲僂發背』, 『夫繩扶撥以爲正。』《准南子・本經篇》『扶撥以爲正。』撥正對舉,與此正同。又《荀子・正論篇》 曲也。 則以發爲之。(以上撥字説本孫詒讓 秉性敦厚,志行正直。《文選·東京賦》『盛夏後之致美。』薛注:『盛,嘉也。』撥猶撥剌, 枉 《淮南子・修務篇》『琴或撥刺枉橈。』注曰:『撥刺,不正也。』 或單曰撥。 《管子・宙合篇

黑。處於北方幽暗之中,故矇者以爲不彰明也。《孟子》:『離婁之明, 玄文(冥)幽處(本作處幽)兮,矇(本有瞍字)謂之不章(彰)。離婁微睇兮,瞽以爲無明。 玄文與離婁並舉,當亦人名。疑文爲冥之假,或字本作旻(省作文)。 睇眄之也。』 玄冥北 方神, 無明, 其色 目無

變白以爲黑兮, 倒上以爲下。 鳳皇在笯兮, 雞鶩翔舞。

光也。

同糅玉石兮,一槩而相量。夫惟黨人[之]①鄙固兮,羌不知余(本有之字)所

槩,平斗斛木也。 固, 陋也。 不知所藏,謂美在其中而人不知也。下文『材朴委積兮,莫

知余之所有。』意與此同。 九章解詁・ (王念孫説)

懷沙

任重載盛兮, 陷滯而不濟。 懷瑾握瑜兮, 窮不知所示。

盛猶多也。 陷, 没也。滯, 留也。濟, 度也。言車重陷濘而不得度也。不知所示,人皆不

識, 無可示者也。

邑犬羣吠兮, 吠所怪也。非(誹)俊疑傑兮, 固庸態也。

《淮南子・泰族篇》『邑犬羣吠』。非,《史記》作誹。《輔行記・宏決》八之二引《廣雅》『庸,

愚也。』

文質疏内兮, 衆不知余之異釆。 材朴委積兮, 莫知余之所有。

疏疑讀爲廋, 《漢書·趙充國傳》『疏捕山間虜』, 即搜捕。是其比。 廋, 隱也, 匿也。

未成

器之材曰朴。

重仁襲義兮, 謹厚以爲豐。重華不可逻兮, 孰知余之從容!

≪淮南子・俶真篇≥『積惠重厚,累愛襲恩。』≪氾論篇>『此聖人之所以重襲恩。』注曰:『襲 亦重

累』。王注:『遌,逢也。』

古固有不竝兮,豈知其故也⑤。 湯禹久遠兮,邈不可慕也⊜。

原作『豈知其何故』,

原無『之』字,此補。

説見《校補》。

原作『邈而不可慕』,此改。説見《校補》。 此改。説見《校補》。

之功立。』《法言·五百篇》『堯舜禹君臣也而並。』吴注:『堯舜禹三聖相並。』 聖主賢臣, 有不並世而生者,其故豈可得而知乎?《淮南子・覽冥篇》 『太公並世, 故武王

懲違(障)改忿兮, 抑心而自强。 離慜而不遷兮, 願志之有像

進路北次兮, 日昧昧其將暮。 舒憂娱哀兮, 限之以大故

注曰:『違,

恨也。』《漢書叙傳》作偉。

(王念孫説)遷,

改也。

雖遭憂患,

而不改其節。

像

法也。

曹大家

王注

二。一灣,

止也。』《廣雅・釋詁四》『偉,

恨也。『《文選・幽通賦》『違世業之可懷。』

其若陋兮, 《哀郢》『登大墳以遠望兮,聊以舒吾憂心。』《思美人》『遵江夏以娱憂。』《七諫・自悲》『凌恆 聊愉娱以忘憂。』皆以遊眺郊野爲樂。《莊子・知北遊篇》『山林與, 阜壤與, 使我 欣 Ш

故, 文『進路北次』言, 欣然而樂與。』《外物篇》『山林丘山之善於人也, 兵寇也。疑此大故義同。言將北進, 謂北行江郊以自娱也。 《周禮·膳夫》注:『大故, 阻於兵寇而不果也。 王以大故爲死亡, ……』與此態度一致。 寇戎之事。』《大祝》 本篇『舒憂娱哀』, 於義難 注:『大 通。 當承上

亂曰:浩浩沅湘,汾○(湓)流汩兮, 脩路幽蔽, 道遠忽兮。

『與汨皆(偕)出。』郭注曰:『回伏而湧出者, 濆, «公羊傳・ 涌也。 昭五年》『潰泉者何?直泉也。 《文選·江賦》『湓流雷煦(吼)而電激。』《漢書·溝洫志》注曰:『湓, 汨也。』《列子・黄帝篇》釋文曰:『汨, 直泉者何?涌泉也。』汩亦涌也。 «莊子・達生篇 涌波也。」《七發》 涌也。」字一作

六九

九章解詁・

懷沙

『所揚汩者,所温汾者。』此言沅湘之水,浩浩廣大,湓涌淢汩而流也。 幽蔽, 謂林木掩翳。

曾傷爰(咺)哀,永歎喟兮。世溷濁莫吾知,人心不可謂兮◎。

傷對文。作爰,借字。《齊策六・狐咺》、《漢書・古今人表》作爰。 爰哀,《史記》作恒悲。恒卽咺之誤。《方言一》『咺, 痛也。 凡哀泣而不止曰咺。』喧哀與曾 是其比。 王注:『謂猶説也,

言己遭遇亂世,衆人不知我賢,亦不可户告人説。』

獨無正學兮。伯樂既没,

驥焉程兮!

懷情抱質⊜**,** 

《淮南子・繆稱篇》『懷情抱質』,情質猶誠實。 《哀時命》『懷瑶象而握瓊兮, 願 陳 列

薛注曰:『程, 謂課其技能也。』《遠遊》『高陽邈以遠兮,余將焉所程! 正。』《漢書・東方朔傳》『程其器能。』注曰:『程,

謂量計之也。』《文選・

西京賦》。程角紙之妙戲。

民生禀命画, 各有所錯兮。定心廣志, 余何畏懼兮!

知死不可讓, 《晉語七》『將禀命焉。』《楚語上》『是無所禀命也。』禀, 願勿愛兮。明告君子,吾將以爲類兮。 受也。 王注:『錯,

安也。」

- 原作『分』,此從一本改。 説見《校補》。
- 四句自後文移此, 説見《校補》。
- 原作『懷質抱情』

正原作匹,此改。

説見 校補》。

- 此句原作『萬民之生』,此從一本改。

#### 思美人

思美人兮,擥涕而竚(柠)眙。媒絶路阻兮,言不可結而詒。

又『胎,直視也。』《方言七》『胎,逗也:西秦謂之胎。』注曰:『謂住視也』。 案胎今語轉爲瞪。《文 選・魯靈光殿賦注》『愕視曰胎』。即今所謂瞪矣。 賦》注、《三良詩》注引並作攬。 《説文》:『擥,撮持也。』《釋名・釋姿容》:『攬,歛也,歛置手中也。』擥攬同。《文選・北征 **擎涕猶收涕也。≪説文≫『眝,** 長胎也。一曰張目也。』别義與肝同。

蹇蹇之煩冤兮,陷滯而不發。申旦以舒中情兮,志沈菀(鬱)而莫達。

兮, 《惜往日》『孰申旦而别之』。 哀蟋蟀之宵征。』蓋猶《詩》言:『耿耿不寐』、『明發不寐』, 蹇蹇猶蹇産, 詰屈也。 發, 並此云:『申旦以舒中情』,皆有剖白之義。《九辯》 『獨申旦而不寐 開也:散也。《後漢書·鄧隲傳注》:『申,明白也。』 旦亦明也。 亦明白一義之引申。

願寄言於浮雲兮, 遇豐隆而不將。 因歸鳥而致辭兮, 羗迅○ 高而難當

《荀子・赋篇(雲賦)》『行遠疾速, 而不可託訊者也。」魏文帝《永思賦》『願託乘於浮雲, 嗟逝

九章解詁・思美人

Ł

鳥 人日橋 之初文。合上二義,則迅卽直飛刺上之謂也。高讀爲矯,矯有矯捷與飛舉諸義, 速之難當。』將猶賚也。 高飛刺上而難遇也。曹植《九愁賦》『願接翼於歸鴻, 書多二字連詞。 玄鳥逝以差池。』語意並與此近。 。』郭注曰:『自奮釁』。 監本作『奮迅動作』, 《文選・赭白馬賦》『軍駅趫迅而已』。 迅有躍義。 ≪説文≫『躍, 迅也。』又有飛義。《説文》『孔, 則讀釁撟爲迅撟。此曰:『迅矯而難當』, 嗟高飛而莫攀。』陳琳《止欲賦》『欲語言于玄 趫迅猶矯迅也。 《爾雅·釋狀》『战日費, 疾飛也。』孔 與迅近。 謂鳥 故古 爲迅

獨歷年而離愍兮, 高辛之靈盛兮, 遭玄鳥而致治。 羌馮心猶未化。 欲變節以從俗兮, 寧隱閔而壽考兮, 媿易初而屈志。 何變易之可爲!

之可爲」, 注曰:『思舒憤懣』。《哀時命》『願舒志而抽馮兮』, 猶憤懣也。 知前輙之不遂兮, 憤懣守節』, 馮猶憤也。《離騷»『喟憑心而歷兹』,注曰:『喟然舒憤懣之心』。本篇下文『揚厥馮而不竢』。 猶言何能變易之。 《哀時命》『然隱憫而不違兮』(憫本一作閔),卽憤懣而不達也。壽考猶言終身。『何變易 皆以憤懣釋馮字。正讀馮爲憤, 未改此度。 《九歌·大司命》『孰離合之可爲』, 車既覆而馬顛兮, 《天問》『康回馮怒』, 注曰:『思舒志意, 蹇獨懷此異路。 猶言孰能離合之, 即憤怒也。 援引憤懣。』 化猶改也。 語例相仿。 並此文注 隱閔

仆也。蹇,

乃也。

<sup>○</sup> 原作宿,此從一本改。説見《校補》。

勒騏驥而更駕兮, 造父爲我操之。□□□□□□□兮〕,□□□□□□□●。

操猶馭也

遷逡次(趛趚)而勿驅兮,聊假日以須時。指嶓冢之西隈兮, 與纁(順)黄以爲期。

越趁、赵趄一聲之轉,倒言之則日趁趚。(《廣雅·釋詁》三:『竣,止也。』《穀梁》莊三年傳:『次,止也。』 遷讀爲蹇。一説猶遷延也。逡次猶趁趚也。《説文》:『趁,行趚趁也。』『赵趄,行不進也。』

又《左傳》哀三年『外内以悛。』注曰:『悛,次也。』是遂次聲近義通之驗。)

隈,隅也。

蓋黄昏時也。』《後漢書・趙壹傳》:『談至熏夕,極歡而去。』熏夕卽昏夜,熏纁通 纁本一作曛。 《文選》謝靈運《晚出西射堂》注、慧琳《一切經音義》八四引並同。 王注:『纁黄

開春發歲兮,白日出之悠悠。吾將蕩志而愉樂兮,遵江夏以娱憂。 《大招》:『青春受謝,白日昭只。』《招魂》:『獻歲發春兮,汩吾南征。』

吾誰與玩此芳草。

擎大薄之芳 营兮, 大薄,大林也。 搴長洲之宿莽。 惜吾不及古人兮,

解萹薄與雜菜兮,備以爲交(菱)佩。佩繽紛以繚轉兮,遂萎絶而離異。 解猶折也, 截也。《莊子·徐無鬼篇》:『鶴脛有所節, 解之則悲。』《爾雅·釋葦》『萹苻止濼

貫衆」注曰:『葉員鋭莖毛黑布地冬不死』, **萹薄蓋卽萹苻。** 

九章解詁・思美人

七三

七四

制》: 帶 索也。」其草索則謂之茭。《尚賢篇》傅説衣褐帶索, 傳云絞帶者, 『絞帶, 絞麻緦爲帶也。 《墨子·辭過篇》:"古之民未知爲衣服時,衣皮帶菱。』王念孫曰:"《説文》「菱, 繩帶也。」 』交佩亦即茭帶、 案喪服多存原始遺俗, 絞帶。 謂草索也。』孫詒讓曰:『帶茭疑卽喪服之絞 絞帶即墨子所謂 帶菱無 交佩者, 下文所謂『南夷之變態』, 疑。 《釋 名 ・釋喪 野蠻民

離 騷》: 『雖萎絶其亦何傷兮。』 離異猶解散 也。

族固當與樸古同風也。

吾且儃佪以娱憂兮, 觀南夷之變態。 竊快在中心兮, 揚厥馮 而不竣

『覽將帥之變態。』《西京賦》:『盡變態乎其中。』薛注曰:『變, 睨驍媒之變態。』南夷之變態, 荀子・君道篇》:『並遇變態而不窮。』《文選・子虚賦》: 謂南夷之陋俗, 即上文佩萹薄雜菜之類也。 『殫覩衆物之變態。 奇也。』《射雉賦》:『眄箱籠以 南 夷 詳 Ŷ. 《涉江》。 林 |賦|| 揭

	自,	
	動以歎喟,	揚謂發揚
(兮),	此則因快在心中,故不假唱歎而憤心已發揚播散也	<b>揚馮猶發憤。竢疑當爲唉,卽欵,歎也。《離騷》</b>
),	散也。	雲>:『喟憑心而歷兹。』 發洩!

-14

揚謂發揚,

揚馮猶發憤。

竢疑當爲唉,

發洩憤懣

一一一分一,

芳與澤其雜糅兮,

羌芳華自中出

疑脱二句。 疑脱二句。 説見 説見《校補》。 校補》。

芳謂芳草,澤謂膏澤。芬芳出於芳草, 光華出於膏澤。 一日聲光氣味皆謂之華, 芳華即芳

**氛也。芳華自中出,謂芳氣自膏澤中出。** 

芬郁郁其遠蒸①兮, 滿内而外揚。 情與質信可保兮, 居重蔽而聞章(彰)。

聞也。

《後漢書·馮衍傳》注: 『郁郁,

香氣也。』揚雄《逐貧賦》:

『人皆重蔽,

予獨露

居。

聞,

聲

令薜荔以爲理兮, **憚舉趾而緣木。因芙蓉以爲媒兮,** 憚蹇裳而濡足。

登高吾不悦兮, 入下吾不能。 固朕形之不服兮,然容與而狐疑。

服字疑誤,未詳所當作。

然猶乃也。容與卽猶豫也。

廣遂前畫兮, 未改此度也。 命則處幽〔兮〕, 吾□□□ ][也]。

、時曖曖其〕將罷兮, 願及白日之未暮[也]。 獨 然 然 而 南 行 兮, 思彭咸之故也母。

惜往日

本篇全係法家思想。 《韓非子・ 姦刼弑臣篇》: 『上不能説人主使之明法術、 度數之

九章解詁・惜往日 七五

七六

官府, 昭侯請申子曰:『法度甚易行也。』《問田篇》:『今先生立法術,設度數。』《史記》本 理 傳:『懷王使屈原造爲憲令』,憲令卽法令。《韓非子・定法篇》:『法 者, 法度從事者, 失有權衡之稱者以聽遠事,則主不可欺以天下之輕重。』《亡徵篇》:『主多能而不以 l°。』《有度篇》:『故審得失有法度之制者加以群臣之上,則主不可欺以詐僞;; 刑罰必於民心。』《問辯篇》:『堅白無厚之詞章,而憲令之法息。』《六反篇》: 可亡也。』《安危篇》安術有七,『三曰死生隨法度。』《外儲説左上篇》韓 憲令著於 審得

惜往日之曾信兮, 『審於法禁……必於賞罰……國富則兵强, 受命韶以昭時(本作詩)。奉先功以照下兮,明法度之嫌疑。 而霸王之業成矣。』)

曾信猶崇信也。

世也。 命韶猶詔令也。 《莊子·徐無鬼篇》『招世之士興朝』, 招世卽昭時。 昭, 曉也, 謂 曉諭 時

照讀爲昭,示也。

必其賞罰。』《八説篇》:『息文學而明法度。』 《韓非子・顯學篇》:『明吾法度, 必吾賞罰者亦國之脂澤粉黛也。』《五蠹篇》:『明其法禁,

○ 原作承,從一本改。説見《校補》。

<sup>○</sup> 以上二行字句有脱誤及增補,説見 校補》。

國富强而法立兮, 屬貞臣而日族。 秘(関)密事之載心兮, 雖過失猶弗辭(本作治)。

屬猶委也。貞,忠也。娭與嬉同。委政於人臣,日事嬉遊。

誠明於臣之所言, 閟 藏也。 載, 在也。 則雖畢弋馳騁, 《七諫・怨世》:『意有所載而遠逝兮。』《韓非子・説疑篇》:『爲人主 撞鐘舞女, 國猶且存也……趙之先君敬侯,不修德行,

度也, 者以筩灌其 而好縱慾, 然敬侯享國數十年, Ħ, 適身體之所安, 進退不肅、 兵不頓於敵國, 應對不恭者斬於前。故居處飲食如此其不節也, 耳目之所樂, 冬日罼弋, 地不虧於四鄰,内無君臣百官之亂, 夏浮淫, 爲長夜, 數日不廢御 制刑殺戮如 外無諸侯鄰 觴 不能 此 其 或

心純庬而不泄兮, 遭讒人而嫉之。 君含怒以母待臣兮, 不清澈其然否。

之患,

明於所以任

臣也。」

庬。 一作敦懞。《管子・五輔篇》:『敦懞純固。』又作敦龐。《淮南子・俶真篇》: 純庬古之成語, 猶敦厚也。 《國語·周語上》:『敦 庬 純 固。』 《左 傳》 成 十 六 年:『民生敦 『而復反於敦

龐。

蔽晦君之聰明兮, 明亦察也。《法言・五百篇》:『聆聽前世, 清澈皆察也。 《尚書·吕刑》:『明清于單辭』,《後漢書·明帝紀》作『明察單辭。』澈, 虚惑誤又以欺。 弗參驗以考實兮, 清視在下』, 即察視在下也 遠遷臣而 .弗思。 明也,

<韓非子、顯學篇 -無參驗而必之者, 愚也; 弗能而據之者, 誣也。 《姦刼弑臣篇》:

九章解詁

惜往日

七七

得見, 户者, 參驗以審之也……此幸臣之所以得欺主咸私者也。』《亡徵篇》:『聽以爵不待參驗,用一人爲 門 而愈疏遠,諂施順意從欲以危世者近。』 巧言利辭行姦軌以倖偷世者數御。據法直言、名刑相當、循繩墨、誅姦人所以爲上治 也 可亡也。』《八經篇》:『聽不參則無以責下。』《詭使篇》:『今守度奉量之士欲以忠嬰上而不

信讒諛之溷濁兮, 盛氣志而過之。何貞臣之無辠兮,反(本作被)離謗而見尤。

策》:『太后盛氣而胥之。』 過,責也。 《莊子・則陽篇》:『匿爲物而過(從俞樾説改)不識,大爲難而罪不敢。』《國策・趙

君無度而弗察兮,使芳草爲藪幽。 獨鄣壅而蔽隱兮,使貞臣爲無由。

度,法也。

《韓非子・主道篇》:『臣閉其主曰壅。』 藪幽卽幽藪, 倒詞以取韻。

『使貞臣爲無由』卽『使貞臣無由爲』,言使人雖欲爲忠貞之臣而無由爲之也。

慙光景之誠信兮,身幽隱而避之。臨沅湘之玄淵兮, 避謂避光景,有慙於光景, 故欲隱身於玄淵之中以避之。《史記・賈生傳・弔屈原文》曰: 遂自忍而沈流。

『襲九淵之神龍兮, 沕深潛以自珍。彌融爚以隱處兮,夫豈從螘與蛭螾?

』《正義》引顧野王曰:

爾, 『忍,以義斷也。』案堅而能止曰忍, 蔽篇》:『水埶玄也』注曰:『玄, 以從神龍於九淵之下, 獺! 注引應劭曰: 遠也。 明也。 価, 此言避去光景而自隱於玄淵之中, 爚, 背也。』案彌個聲轉, 光也。没深藏以自珍, 幽深也。』玄淵,深淵也。 堅而能行亦曰忍(朱駿聲説)。 背遠義近,背之遠之並猶避之也。 彌遠光明以隱處也。』彌融爚《漢書》作『 偭蟂 用意相仿, 《國語・晉語六》『以忍去過』注曰: 此及《晉語》忍字皆堅而能行之 足可互發。 彼言背絶光明 《荀 子 解解

卒没身而絶名兮, 惜壅君之不昭(照)。 焉舒情而抽信兮, 恬死亡而不聊。

没,滅也。

謂。

人主壅蔽。』下『惜蓮君之不識』, 壅君謂被壅之君, 猶暗君也。 同。 《韓非子・二柄篇》: 『故叔殺擁蔽之主』 憤篇》:

『然而

昭同照,燭也,知也。

焉,乃也。情,誠也。

懼也。 選・七發》: 恬, 安也。 『聊兮慄兮』注曰:『聊慄, 聊通 僚。 《九辯》:『憭慄兮若在遠行』;《招隱士》:『憭兮栗, 恐懼之貌』, 字作聊。『恬死亡而不聊』, 虎豹穴。」 安死亡而不 令文

聞百里之爲虜兮, 伊尹烹於庖厨; 吕望屠於朝歌兮, 甯戚歌而飯牛。

九章解詁・惜往日

七九

九歌解詁

八〇

不逢湯武與桓繆兮, 世孰云而知之?吴信讒而弗味兮, 子胥死而後憂。

云猶有也。而能古通。

『有味者, 《淮南子》:『占人味而不貪,今人貪而不味。』《老子》六十三章:『味無味。』《列子·天瑞篇》: 有味味者。』《後漢書·郎顗傳》:『含味經籍。』味皆動詞。 此言貪信讒言, 而不知含味

介子忠而立枯兮,文君寤(悟)而追求;封介山而爲之禁兮, 報大德之優游

其善惡也

**説山篇》:『介子歌龍蛇而文君垂泣也』,《齊俗篇》:『晉文君大布之衣,特羊之裘,韋以 帶 劍、** 《莊子・盗跖篇》:『鮑子立乾。』文君卽文公,猶 《莊子・外物篇》 宋元君卽宋元公也。 《淮南子・ 其父,孔子問曰:「寧設桂樹乎。」哀公曰:「不也。桂樹者起於介子推,子推晉之人也,文公有 『木乾鳥樓,袒肉暴骸,以望君愍之。』≪莊子・盗跖篇>:『介子推至忠也,自割其股以食文 公。 於是棄其蔬, 父生於宫殿, 公始悟,當受爵禄。子推奔介山,抱木而燒死。國人葬之,恐其神魂貫於地,故作桂樹焉。 文公後背之,子推怒而去,抱木而燆死。』《水經·汾水注》引王肅《喪服要記》:『昔魯哀公祖載 《晏子春秋・諫下篇第二十》:『吾將左手擁格, 出國之狄,子推隨其行,割肉以續軍糧。後文公復國,忽忘子推,子推奉唱而歌之。 死於枕席, 而立槁於洛水之上。』《説苑・立節篇》:『「成公趙」遂立槁於彭山之上。』又曰立乾。 何用桂樹爲。」』立枯謂燔死也。一曰立稿。《韓詩外傳一》:『鮑焦…… 右手梱心,立餓枯槁而死。』《外篇第一一》 五 文

樹以棲其神魂。 威立於海内』: 亦並以君以公。王注曰:『文公遂以介山之民封子推,使祭祀之。』王肅亦謂立桂 而祝於禁社。』案禁字從林從示,蓋當以禁社爲其本義, 疑此言禁卽禁社之類。《墨子·耕柱篇》:『季孫紹與孟伯常治魯國之政,不能相信 王念孫以禁社爲叢社之誤, 非是。 子推

思久故之親身兮,因縞素而哭之。或忠信而死節兮, 或訑謾而不疑。

遠隱介山,故曰大德之優游,言優游於利禄之外也。

子·説山篇》:『媒但(誕)者非學謾他,但成而生不信。』謾他與訑謾同。不疑不見疑也**。** 久故卽舊故,猶言往昔。 親謂親愛。身, 我也。 親身蓋指割肉事。 訑 謾, 欺 法 也。 <sup>^</sup>淮 南

弗省察而按實兮, 聽讒人之虚辭。芳與澤其雜糅兮, 孰申旦而别之。

辭, 何芳草之早殀兮,微霜降而下戒。 其無用而勝; 韓非子・外儲説左上》:『故籍之虚辭則能勝一國,考實按形不能 謾 於一 人。』 實事, 其無易而窮也。 諒聰不明而蔽壅兮, 人主多無用之辯, 而少無易之言, 使讒諛而日得。 此所以亂也。 又:『爲

《九辯》:『秋既先戒以白露兮,冬又申之以嚴霜兮,冬又申之以嚴霜。』

諒, 信也。 《廣雅 釋詁四》: 『聰, 聽也。』聰不明卽聽不明。 《易・噬・上九》象辭:『何校 聰不明也。」

滅耳, 《正義》曰:『聰, 聰不明也。』《釋文》引馬注曰:『耳無所聞。』《夬・九四》象辭:『聞言不信, 聽也。」

得猶中也。

九章解詁·

惜往日

.0.1

## 九章解詁

自前世之嫉賢兮, 謂蕙若其不可佩。妒佳冶之芬芳兮,蟇母姣而自好。

或謂之姣。』《廣雅・釋言》:『姣,侮也。』《韓非子・説林上篇》:『美者自美,吾不知其美也。』 《左傳》襄九年:『棄位而姣,不可爲貞。』《方言》一:『凡好而輕者,自關而東,

雖有西施之美容兮,讒妒人以自代。願陳情以白行兮,得罪過之不意。

《韓非子・姦覟弑臣篇》:『無捶策之威,銜橛之備,雖造父不能以服馬。無 規 矩 之法, 繩

情寃(宛)見之日明兮, 墨之端, 雖王爾不能以成方圓。無威嚴之勢,賞罰之法, 如列宿之錯置。 乘騏驥而馳騁兮, 雖堯舜不能以爲治 無轡銜而自載

寃本一作宛。《詩經·蒹葭》:『宛在水中央。』箋曰:『宛, 坐見貌。』案坐見之義未聞。 疑讀

《韓非子·姦刼弑臣篇》:『託於犀車良馬之上,則可以陸犯阪阻之患; 《禮記·檀弓上》『華而睆』《釋文》曰: 『睆,明貌。』 乘舟之安, 持檝之

急轡御者, 則可以水絶江河之難;操法術之數,行重罰嚴誅,則可以致霸王之功。 猶若陸行之有犀車良馬也,水行之有輕舟便檝也,乘之者遂得其成。』《韓詩外傳》一:『故 非千里之御也。』 治國之有 法術賞

乘氾泭以下流兮, 無舟楫而自備。 背法度而心治兮, 辟(譬)與此其無異。

辟本一作譬。 《韓非子·用人篇》:『釋法術而用心治, 堯不能正一國。去規矩而妄意度,

奚仲不能一軸。廢尺寸而差短長,王爾不能中。』

寧溘死而流亡兮, 恐禍殃之有再。不畢辭而赴淵兮, 惜壅君之不識。

#### 橘頌

易《寄題盩厔廳前雙松》:『手栽兩幼樹,聊以當嘉賓。……有時晝掩關, (杜甫《四松》: 『別來忽三載, 親。』《玩松竹》:『窗竹多好風,簷松有嘉色。 。盡日不寂寞,意中如三人。忽奉宣室韶, 離立如人長。……『我生無根蒂,配爾亦茫茫。』 幽懷一以合, 徴爲文苑臣。 俗念隨緣息。 閑來一惆悵, 在爾 雙影對一 恰似 白居 雖 別交

后皇嘉樹,橘徠服兮。受命不遷,生南國兮。

情,於予卽有得。乃知性相近,不必動與植。』)

士。 篇》:『橘生於淮南則爲橘,生於淮北則爲枳。』《韓詩外傳十》:『王不見夫江南之 樹 乎,名 橘 樹之江北, 徠來同。服,用也。來而效其用也。«考工記・總目»:『橘踰淮而北爲枳。』 «晏子春秋・雜下 《漢書・禮樂志・郊祀歌十四》曰:后皇,禮后土祠畢, |則化爲枳。』《淮南子・原道篇》:『橘樹之江北,則化而爲枳。』《史記・貨殖傳》:『江 濟汾河作(王先謙説)。 似后皇卽后

九章解詁・橘頌

陵千樹橘。』

八匹

深固難徙,更壹志兮。緑葉素榮,紛其可喜兮。

壹,專一也。

曾枝剡棘,圓果摶兮。青黄雜糅,文章爛兮。

曾,高也。剡,鋭利也(《説文》)。棘,茦(刺)也。摶團同。

精(綪)色内白,類任道兮。紛緼宜脩,姱而不醜兮。

紜, 銘》:『瑶草芳兮思葢蒀。』) 也。 任, 盛貌也。 精猶綪,大赤也(《左傳》定四年杜注)。李尤《七歎》:『金衣素裏』,綪色猶金衣,內白猶素裏 懷也, 不醜,猶不羣也。 (陳子昂《堂弟孜墓誌銘》:『徽烈英曜兮始莅蒀。』 《館陶郭公姬薛氏墓誌 抱也。『紛緼宜脩,姱而不醜兮。』疑當作『紛緼脩姱, 麗而不醜兮。』紛温猶紛

嗟爾幼志,有以異兮。獨立不遷,豈不可喜兮。

深固難徙, 廓(孤)其無求(逑)兮。 蘇世獨立,横(觵)而不流兮。

睢傳》) 友也。 廓落也。』《御覽九七九》引《莊子》,正作廓落。孤轉爲廓, 落寂而無友兮』, 《哀時命》: 蘇猶疏, 『廓抱景而獨倚兮』, 廓落寂亦即孤寂。 遠也。 《説文》: 觵,重文作觥。《後漢書·郭憲傳》:『關中觥觥郭子橫。』 《莊子·逍遥遊篇》:『則瓠落無所容』, 謂孤寂抱景而獨處也。 猶瓠轉爲廓矣。逑,匹也;(《詩經 廓一日廓落。 《哀時命》 簡文注曰:『瓠落 又曰:『廓 . 關 猶

注曰:『觥觥, 剛直之貌。』觥觵横同。 流, 移也(《考工記・弓人》注)。《中庸》: 『君子和而不流。』

閉心自慎,終不失過兮。秉德無私,參天地兮。

比也,並也。《説苑・政理篇》:『吾已閉心矣,何閉於門哉!

願歲并(屏)謝,與長友兮。淑離不淫,梗其有理兮。

選》江淹《雜體詩》『寂歷百草晦』注曰:『寂歷,彫疎貌』(俞樾説)。淫猶繁縟也。 并同屏,屏、謝, 皆除也。願隨日月之推移,長與爲友。淑離讀爲寂歷,稀疏貌也。《文 梗, 不纖密貌。

《方言十三》:『梗,略也。』《文選・東京賦》:『言其梗概如此』, 注曰:『梗概, 不纖密也。』

年歲雖少,可師長兮。行比伯夷,置(植)以爲像兮。

芸, 置植古通。 《漢石經》作置。 <br />
< 像, · 那 \*: 法也。 『置我鞉鼓』。 《禮記・明堂位》作植。 《論語・微子篇》『植其杖 而

### 悲回風

悲回風之摇蕙兮, 心寃結而内傷。 物有微而隕性(生)兮, 聲有隱而先倡。

寃結猶鬱結也。

九章解詁・悲回風

九歌解詁 九章解詁

生古同字, 生猶今言生命也。《爾雅·釋詁》:『竄,微也』, 注 微, 謂逃避也。』隕猶

隱亦微也。《韓詩外傳》六:『夫聲無而不聞,行無隱而不形。』

夫何彭咸之造思兮,暨志介而不忘。萬變其情豈可蓋兮,

孰虚僞之可長。

之猶是也。造思猶追懷。《思美人》: 『思彭咸之故也。』

《説文》氣重文作,漢隸氣或作炁,

是其比。

《惜往日》:『盛氣志而過之。』《淮南

暨讀爲氣。

子 ·精神篇》:『氣志者五藏之使候也。』介, 掩也。 堅也。

《管子・小稱篇》:『務爲(僞)不久,蓋虚不長。』《韓非子・難一篇》:『務 (原作矜, 从俞樾改)

僞不長,蓋虚不久。』《抽》:『望三五以爲像兮, 虧。善不由外來兮,名不可以虚作。孰無施而有報兮,孰不實而有穫?』與此四句意同 指彭咸以爲儀。夫何極而不至兮, 故遠聞而難

鳥獸鳴以號羣兮, 鳥獸各以類聚, 麟鳳不與衆鳥獸爲羣也。 草苴比而不芳。魚葺鱗以自别兮,鮫龍隱其文章。

比 雜也。《樂論・釋文》:『百草異類, 相雜而生,則失其芬矣。』

其鱗甲, 葺,蓋屋也。 鮫龍則務韜晦其文。 魚鱗相次,狀如蓋屋, 故曰葺鱗。别,明也(鄉飲酒禮鄭注), 別與隱對。 魚炫耀

故(固)茶薺不同畝兮,蘭茝幽而獨芳。惟佳人之永都兮, 更統世而自貺。

甘苦異味, 薺茶不同畝而生。 蘭 芭 幽藏, 各保其芳。

佳人謂彭咸。 都, 藏也(《廣雅·釋詁四》)。 更, 歷也。

統世猶言大數之世。又《説文》:『充,長也。』統世亦猶長也。貺, 《論衡・調時篇》:『千五百三十九歲爲一統。』統之言充也,充,大也(《淮南子・説山篇》注)。 益也。思念佳人之長年姣好,

眇遠志之所及兮, 憐浮雲之相羊。介眇志之所惑兮,竊賦詩之所明。 歷世久遠而自然愈甚

(《文選》謝玄暉《敬亭山詩》注引)。 《文選・東京賦》:『眇天末以遠期』注曰:『眇,視也。』字一作窅。《聲類》曰:『窅, 案眇望一聲之轉,眇卽望矣。 心有所之曰志,其所之絶遠, 遠望也 故 日

《方言》十二:『炌, 恨也。又二:『魪 遠也。 怒也, 小怒曰魪。《説文》:『魪, 齒相切也。」价骱

遠志。

及,居也,

至也。

有所之則有所至, 故志與及對。

蓋本一字。

眇,

同渺,

賦者詩之流, 銜竊轡』,《釋文》曰:『齧轡也。』 魪齧聲義 倶近。 (《説文》黐又從禼聲,禼古文偰,是竊齧聲亦本近。) 目光隨思緒而馳, 竊猶炌也。《説文》竊從古文疾聲,『族, 以其體尚鋪陳, 至於天邊、 故謂之賦詩。 則有浮雲相羊, 後世稱賦,卽賦詩之省耳。明猶著也。 心所念者, 宛在其間, 不覺注明凝思, 心中有所嚮 寄其

八七

九章解詁・悲回風

# 九歌解詁 九章解詁

耳。 甚近也。 攀飛龍。 微情焉。然而此徒幻想耳。幻想既滅,其人終不可見,因恨詩人所著之不實,徒令人惑亂逃 惘 張九齡雜詩:『我有異鄉憶,宛在雲溶溶。憑此目不覯,要之心所鍾。但欲附 高鳥, 至精無感遇, 悲惋填心胸。歸來扣寂寞, 人願天豈從!」所寄意雖異, 其遣辭則與 安敢 此

惟佳人之獨懷兮, 折若椒以自處。 曾歔欷之嗟嗟兮, 獨隱伏而思慮。

處亦可訓寢。 杜若: 椒, 申椒。自猶獨也。 處猶寢也。 《詩經·殷其靍》以處息平列, 寢亦息也。 是

涕泣交而淒凄兮, 《方言》十:『攘、 掩, 思不眠以至曙。 止也。」是掩亦攘也。 终長夜之曼曼兮, 掩此哀而不去。

寤從容以周流兮, 聊逍遥以自恃(持)。 傷太息之愍憐兮, 氣於邑而不止。

持, 《淮南子・覽冥篇》:『孟嘗君爲之增欷歍唈流涕。』於邑卽歍唈。 制也(《荀子·正名篇》注)。《九辯》:『心閔憐之慘悽兮』, 愍憐、 閔憐同

**糺思心以爲纏兮**, 編愁苦以爲膺。折若木以**蔽(曊)光兮,随飄風之所仍(**奶)。

能知矣。』言紂雖多思慮, 心亦思也。《吕氏春秋·精諭篇》:『勝書能以不言説,而周公旦能以不言聽, 不能知周之代己也。徐廣《史記·五帝本紀》音義引《墨子》『年踰五十,

愁苦對文,思心猶思慮也。 則聰明心慮不徇通矣。』謂思慮不徇通也。《爾雅・釋言》:『謀,心也。』 心亦思也。 下文『憐思心之不可懲』同。 此以忍言與

《釋名・釋衣服》:『膺,心衣抱腹而施鉤肩, 鉤肩之間施一襠以掩心也。』

以物照日取光日體(詳《離騷》)。 ,引也(《廣雅·釋詁一»)。

存髣髴而不見兮, 存謂存想。《禮記・祭義》:『致愛則存,致慤則著。』注曰:『存、著則得其思念也。』 心踊躍其若湯。 撫珮袵以案志兮, 超(怊)惘惘而遂行。

,抑也。

怊,失意貌。《莊子・徐無鬼篇》:『武侯超然不對。』《韓詩外傳》九:『超然自知不及遠矣。』

《七諫:自悲》:『超慌忽其焉如。』字並作超。

歲智智其若頹兮,時亦冉冉而將至。薠蘅槁而節離兮,芳以(己)歇而不比(苾)。

作已。原本《玉篇》曰:『歇, 『智,冥也(《廣雅·釋詁四》)。《國語·周語上》:『本見而草木節解。』 節離猶節解也。 臭味消散也』,引此文。《説文》:『苾,馨香也。』《詩經·楚茨》: 以本

憐思心之不可懲兮, 證(懲)此言之不可聊。 寧逝死而流亡兮,不忍爲此之常愁。 『苾芬孝祀。』

止也。 證讀爲懲, 猶澄一作澂。《廣雅・釋言》:『懲, 恐也。」 聊, 賴也。 忍, 耐

九章解詁・悲回風

八九

九〇

孤子睑(吟)而抆淚兮, 放子出而不還。 孰能思而不隱(慇)兮, 照彭咸之所聞。

痛也。

登石巒以遠望兮, 路眇眇之默默。人景響之無應兮,聞省想而不可得。

愁鬱鬱之無快兮, 居戚戚而不可解。 心鞿羈而不開兮, 氣缭轉而自締。

穆眇眇之無垠兮, 穆之言沕穆也。 莽芒芒之無儀。 聲有隱而相感兮, 物有純而不可爲。

儀,象也(«禮記・緇衣»疏)。《九歎・悲思»注:『僞,變也。』爲僞通。 《文選・鵬鳥賦》沕穆無窮』注曰:『沕穆,不可分別也。』

藐蔓蔓之不可量兮, 《廣雅・釋詁三》:『紆, 縹繇繇之不可紆。愁悄悄之常悲兮,翩冥冥之不可誤。

索也。』繩索之索謂之紆,求索之索亦謂之紆。

凌大波而流(游)風兮, [[兮]⊕,託彭咸之所居。

乘也。游、浮游也。

上高巖之峭岸兮,處雌蜺之標顛。 據青冥而攄虹兮,遂儵忽而捫天。

蹇杪顛。』標顛即杪顛(巔)。 處讀爲攎,挐持也(«說文»),引也 («廣雅·釋詁一»)。標, 《吕氏春秋・求人篇》:『攢樹之所, 杪也。《漢書・司馬相如傳》: 

此脱二句。 脱見《校補》。

吸湛露之浮源兮,

確。 《爾雅・釋天》『甘露(今作兩,從《論衡・是應篇》引改)時降, 源猶泉也。《九懷・通路》『北飲兮飛泉』注曰:『吮嗽天液之浮源也。』 王以浮源爲飛泉, 漱(嗽)凝霜之雰雰。依風穴以自息兮, 萬物以嘉, 忽傾(驚)寤以嬋媛。 謂之醴泉。』此古稱露爲

殆

账。 昭七年南宫敬叔, 嗽, 嘽 喧, 吮也(玄應《一切經音義二》引《三蒼》)。《左傳》文十八年又宣六年敬嬴, 喘息也, 《説苑·雜言篇》敬亦作頃。此並驚傾聲近字通之比。左芬《離思賦》 『驚寤 詳《離騷》。 公穀敬皆作頃。 又 號

泉之證

馮崑崙以瞰霧兮, 隱岐山以(與)清江。 **憚涌湍之礚礚兮**, 聽波濤之洶

洶。

清江。』自崑崙下視, 岐 Щ 卽 岷 Щ 清江 岐山清江皆隱於霧中。 出 焉。 《水經》 夷水注 日 : 『夷水卽佷山清江也…… 蜀人見其澄清, 因 名

焉止? 紛容容(溶溶)之無經兮, 罔(潤)芒芒(茫茫)之無紀。 軋洋洋之無從兮, 馳 委移之

紛亂 集韻》: 潤同漭。 溶溶, 水盛貌。《月令》:『毋失經紀』, 經紀猶法度條理也。 此言水波之

軋 《釋文》於八切。 九章解詁 ·悲回 案猶軋坱也。 《文選・七發》『軋盤涌裔兮』注曰:『軋坱, 無垠 貌。』從,

風

九

九二

始。止, 終也。

九歌解詁

九章解詁

漂翻翻其上下兮,翼(瀷)遥遥(摇摇)其左右。 氾潏潏其前後兮,伴(判)張弛之信期。

《淮南子・本經篇》: 『淌遊瀷減』。

張施之信期疑謂潮信。

觀炎氣之相仍兮, 窺煙液之所積。 悲霜雪之俱下兮, 聽潮水之相擊。

仍亦積也。

借光景以往來兮, 施黄棘之枉策。求介子之所存兮,見伯夷之放迹。

《中山經》:『苦山……其上有木焉,名曰黄棘。』一曰王棘。《士喪禮》:『決用正 王 棘 若 檡

策。』王注:『施黄棘之刺以爲馬策,言其利用急疾也」,得之。 棘』注: 『王棘與檡棘, 牡荆也,俗謂之黄荆,以爲箠杖。』案策之言刺也,古鞭策以有芒刺之木爲之,故曰『黄棘之枉 一名王連也。又名黄荆。《通鑑・齊紀》十:『東昏侯……乃敕虎賁不得進大荆。』胡注曰:『大荆, 善理堅刃者,皆可以爲決。』孫詒讓謂王棘卽黄棘,猶《神農本草經》黃連

存猶在也。

心調度而弗去兮, 心猶思也。 《後漢書·第五倫傳》: 刻著志之無適。 『臣常刻著五藏』注曰:『謂銘之於心也。』 日吾怨往昔之所冀兮, 悼來者之愁愁。 無適,

無所

浮江淮而入海兮, 從子胥而自適(謫)。望大河之洲渚兮, 悲申徒之抗(元)迹。

淵, 枯槁赴淵者之所好也。』司馬注『赴淵若申徒狄。』《淮南子·説山篇》:『申徒狄負石自沈於 而溺者不可以爲抗。』注曰:『抗,高也。』迹,行也。《哀郢》:『堯舜之抗行兮。』 《莊子·刻意篇》:『刻意尚行,離世異俗,高論怨誹,爲亢而已矣。此山谷之 士, 非世之

驟諫君而不聽兮,任重石之何益。□□□□□□□⟨兮」,□□□□

王注: 驟, 數也。

任猶抱也(《詩經·生民》傳)。蔡邕《弔屈原文》:『卒壞覆而不振, 顧抱石其何補?

説至碻 石而沈於河, 許維適曰:『《莊子・盗跖篇》「申徒狄諫而不聽,負石自投於河。」《韓詩外傳》一 此可證本篇與屈原全無干涉。 並與本篇任重石之説合。以上二句指申徒狄言,説者咸以爲屈原事, 誤矣。』案許 謂申徒狄抱

據王逸注、 本篇手稿只此一稿。扉頁自題篆書《九章》,下注『三十年七月陳家營』。後無篇目, 洪興祖補注本録之如上。原文以同書校之,字句多有增補、改正,其説見於《楚

九章解詁·

悲回風

九三

辭校補》者,俱分別注出,以便讀者參看。《解詁》所引典籍出處,

姑缺之以待考。

整編組附記

八〇年八月二十一日

有兩處篇名未能查出。

九四

此脱二句。今本末二句『心絓結而不解兮,思蹇産而不釋』,係後人以《哀郢》語補入。説見《校補》。

 $\ominus$ 

